




六二

萬歷卅年至卅五年



國權

鹽官談遷孺木著

壬寅萬曆三十年

正月朔 上不朝

丁酉工部請勅總河侍郎李頤便宜行事許之

辛亥南澳地震有聲南澳界閩粵間

甲寅蠲潛江沔陽石首巴陵華容廣濟景陵平江荆門大冶
興國災租仍賑之

丙辰立遼陽自在州儒學

千戶王應魁請遣貴州稅監沈一貫擬旨力阻之

丁巳增東宮官屬詹事郭正域周應賓同魯朝節范醇敬侍
班唐文獻黃輝莊天合侍讀史繼偕編脩楊繼禮各兼司經
局洗馬直講讀

夜火星逆行入太微

己未福王暫講武英殿西廡

增設漕河道以霸州兵備叅政汪可受為山東按察使專其
事
諭百官脩省

辛酉淮府常澧嗣德安王

壬戌設沅州游擊統兵轄辰常平清偏鎮六衛

癸亥前太子太保兵部尚書梁夢龍卒夢龍字乾吉真定人

嘉靖癸丑進士選庶吉士授兵科給事中久之都吏科止何

擢順天府丞出為河南按察副使治河成進陝西叅政旋進

山西按察使隆慶二年進河南右布政明年右僉都御史巡

撫山東賑饑決河進右副都御史改河南入戶部右侍郎改

兵部憂去起兵部左侍郎尋進右都御史總督薊遼挫、廢

錦衣百戶累千戶邊垣成進太子少保召入部進太子太保

遷吏部尚書以張氏黨論去

倪元璐曰公因江陵所拔士也又受知深終江陵之世公用條茂而是時有御史劉臺者亦江陵士以請劾得杖謫死故當時之議以公守雌不如臺毅抑猶見隼之飛下誅馬走非至論也自江陵之身功罪離磅如人見其面瘕肉並列橋故中足智戴威決殺弛哀於親裒榮於子者罪也錘逸鞫吏快賞痛罰梓桐天下歸於湛新者功也罪已墮其家矣而功揭於國雖加利銛益以健爪不可得割焉二子之遭幽牢異歸跡其所處各有其際矣夫諫者之情必

借物以發其氣則與其罪際分城守障之吏得用權以極其才即與其功際與其罪際則不得不死與其功際則不得不致其勲名死之與勲名皆有不得不然者驅之豈早定哉或曰八則際其罪矣又不去與終始焉昔宋荆國變法諸賢皆引去謀於邠雍、力止之謂當乘此僂力引濡救燒投劾無濟雍潛士命人如此然聞之故老公佐樞時江陵握厲鍼公進平飲多所救江陵母死廷臣連章勸留數十輩公時在朝無公名由比言之公非苟同江陵者也

二甲子朔工部覆保定巡撫汪應蛟上議曰廣興水利易水可

以溉金臺潭水可以溉恒山澆水可以溉中山澆水可以溉襄國漳水來自鄴下西門豹嘗用之瀛海當諸河下涿故號河中視江南澤國不異至於山下之地地中之水所在而有宜委各郡佐一員及州縣正官選南人能識水利者詳閱其可壩其可渠高則灌注下則車汲悉如南方法計六郡內可成水利數萬頃此國家無窮之利也曰脩理云云報可

丁卯停國子監納貢從祭酒郭正域議

庚午蠲鉅野嘉祥武城曹濟寧定陶嶧魚臺朝城觀城濮金鄉滕莘單田租有差

丁亥吏部尚書李戴戶部尚書陳葉等各請遵前論不聽

庚寅太僕寺卿南企仲言聖諭已頒自是獄無繫囚野無遺賢乃數日來不惟吏部復職何人且以發訪單為詞則尚書李戴當罷亦未聞刑部釋囚何人且以勒保結為詞則尚書蕭大亨當罷上怒其市恩錮級調外

辛卯諭內閣礦稅俟三殿成停之沈一貫奏請不聽

廣東採珠太監趙晏道臨淮以知縣林鏞不遣役誣其抗掠逮下獄巡撫鳳陽李三才疏其枉不聽

壬辰吏部尚書李戴請宥建言得罪諸臣不聽

閏二月甲午朔保定巡撫汪應蛟及劉四科楊時寧安文璧黃克
績巡按趙標黃吉士等先後請停礦稅不聽

丙申套。納款先是罷市賞十餘年丙申貢馬給其直俄屢
寇己亥築松山諸酋囂諄我斬獲幾三千始專戰今吉囊著
宰等求款前巡撫王見賓上之約保塞一年准市否則拒遂
准十一月開市

巡撫雲南右都御史陳用賓子斗昭廕錦衣衛百戶世襲

丁酉李承祚嗣豐城侯李環子

癸卯工部右侍郎妣繼可為尚書司禮太監田義閱京營

甲辰翰林院簡討王圖為南京右春坊右中允署翰林院事

乙巳劉天錫嗣寧晉伯應元子

丙午刑科給事中張鳳翔劾南企仲與南京兵部主事武之

望為兒女姻先年同官吏部之望外斥頃入京給由揭企仲

陰罪自恐奸露借建言飾醜命企仲削籍永不叙

己酉趣宗人府玉牒新冊

雲南右布政使理昌致仕加太僕寺卿

辛亥禮部左侍郎朱國祚改吏部左侍郎巡撫保定右副都

御史汪應蛟為工部右侍郎

論寧夏功進沈一貫少傳田樂兼太子太傳各賜金幣餘陞
賞有差巡撫寧夏楊時寧進兵部尚書

乙卯禮科都給事中張問達論前延安知府晉江李贄解官
削髮所著藏書焚書卓吾大德等刻惑亂人心謂呂不韋李
園為智謀李斯為才力馮道為吏隱卓文君為善偶司馬光
論桑弘羊欺武帝為可笑秦始皇為千古一帝俱刺謬不經
寄居麻城引士人妻女入庵講法作觀音問近至通州距都
四十里招致蠱惑乞勅禮部回籍治罪燬其書上以惑世
誣民逮下鎮撫司閹臣揭以老免拷訊贄在獄難髮引剃刀

自刎死實錄云逮至懼罪不食死贄字卓吾嘉靖 貢士

自延安歸住麻城之龍潭菴機辨鋒利人莫能難辛丑以御
史馬經綸迎至通州所至傾動而怪僻矯悖無少忌憚終填
牢戶非為不幸也

陝西道御史湯北京劾吏部左侍郎朱國祚酒失不報

崇世子 薨

戊午陝西河州蓮花寨等處黃水洞

已未予故光祿寺卿李用敬祭葬

辛酉巡撫大同右副都御史房守土疾去

三癸亥朔貴州總兵官李遇文免時銅仁剽賊託疾不赴

巡撫陝西賈待問言稅監梁永脅渭南知縣徐斗牛忿死事

下撫按斗牛

人萬曆

進士任五載有聲

甲子諭內閣以戶部尚書陳藻侍郎張養蒙並託疾令致仕

令倉場侍郎趙世卿署部事

乙丑唐王碩曠以邸第灾求補給袞冕皮弁等許之

御史康丕揚請逐妖僧違觀不報

談遷曰諺云爭名於朝爭利於市朝市間隱者不預焉若棲岩澗汲子馬瓢笠何外求之有使李贄不容通州違觀

不游長安雖彌天之網何能累之彼猶兢勝於方之內宜

其及也

丙寅上怒給事中蕭近高御史余懋衡李培申所請錄建

言諸臣切責之各奪歲俸并及前沽名鄒元標沈一貫踪救

命鑄二秩者奪歲俸降雜秩者鑄一級削籍者仍留

丁卯許故大學士高拱贈廕從其子務觀之請

延綏總兵官都督同知麻承恩為

將軍總兵官鎮守大

同湖廣偏橋總兵官都督同知陳璘鎮守貴州兼提督平浪

清溪等衛總兵官

己巳宣府饑蠲田租賑之

辛未錦衣衛南鎮撫司指揮僉書鄭樸除名樸同監生海寧

吳中彥誑賄給事中錢塘洪瞻祖劾之

巡按廣東御史李時華劾稅監李鳳不報

甲戌鎮守廣東總兵官李如樟為將軍總兵官鎮守延

綏

丁丑賜繁昌王厚燦書院曰味道

御馬監太監徐銳以寶坻等縣牧馬草場千三百餘頃為豪

占請勘

庚寅兵部尚書田樂罷

四 丁酉太常寺卿孫瑋為右副都御史巡撫保定等處提督紫

荊等關

辛丑蠲順天永平去年欠租

雲南緬酋雍罕糾衆十萬攻蠻莫土官思正 巡撫陳用賓

議剿撫

以延綏巡撫孫維城派軍扒沙軍譟命誅首禍者

壬寅總理河道工部右侍郎兼右都御史李頤卒頤字

餘干人嘉靖進士授中書舍人拜御史忤張居正出知

湖州歷右僉都御史巡撫順天加右都御史改兵部尚書有
經幹學行亦近代名臣予祭墓贈兵部尚書

癸卯大學士朱賡入朝

倭將清正歸我漢人八十七人及倭書二函與通事王天祐
還聞巡撫福建右僉都御史朱運昌奏之兵部令嚴備

乙巳光祿寺少卿王紀疾去

時大旱部科文章請罷礦稅不報

丙午夜月食

丁未給南京守備太監邢隆徵收徽寧稅契勅印閱臣揭沮

不報

戊申浙直織造太監孫隆以浙水災將婚禮袍服三運分六
運每歲二運從之

己酉封益府常渴淡江王

癸丑陝西稅監梁永請鎮守衙及清理花馬池慶陽等鹽池
兵部執爭不報

己未京師大雨雹

禮科右給事中白瑜極言射場今作乾德殿不可成初巡視
工程御史林道楠言乾清坤寧兩宮高十二丈今基高八丈

一尺衡十七丈又殿高數丈勢出宮闕之上不報

辛酉寬灤州三河豐潤昌黎樂亭保定大城等縣站銀

五 癸亥吏部稽勲郎中趙邦清為御史金忠士給事中張鳳翔所劾力辨如欽選東宮淑女楊氏買為妾置不辨降邦清三級調外

前總督薊遼尚書邢玠終養

乙丑潁州雨雹

戊辰太監劉成徵稅蘓松常鎮激變

己巳雲南沙懷攻

土司殺

薄臨安

廣西荔波州以獨山州土酋蒙天眷南丹州土官莫之厚恣

掠截縣道撫按以事上

辛未晉府河東王懷鍵薨

甲戌遣禮部儀制員外郎劉憲龍存問前禮部尚書陸樹聲

庚辰四川長便壩底等處地震天鳴如雷申刻復震

江西稅監潘相掠諸生及輔國將軍謀托各宗大閤挾門入相走免誣劾上饒知縣李鴻報怨鴻除名

六 辛卯朔夜四川壩底地震

丙申山東齊河等州縣災

許朝鮮使臣歲市弓二百外加其百

吏部擬趙邦清兩淮運判不許復擬絳州同知竟削籍邦清

始知滕縣治行第一

戊戌工部右侍郎汪應蛟省侍

辛丑存問太子太保吏部尚書楊巍

追封故周府朝瑒遂平王謚惠懿在缺遂平王謚懷恪

吏部文選郎中鄧光祚疾去

丁未巡撫延綏右僉都御史孫維城卒維城字

丘縣人

隆慶辛未進士時軍譟被劾請卹不果

戊申朶顏衛頭目納喇更名失留速阿卜亥貢馬陞都指揮

僉事給勅

興化泉州地震

己酉太師兼太子太傅領後軍都督府定國公徐文璧卒贈

光祿大夫柱國謚康惠

承天府人訛言選婚福王嫁娶立畫

庚戌吏部考功郎中吳仁度救趙邦清被論調用南京

甲寅廣西東蘭州土官韋文第為思吉鎮土餘韋文燦所殺

劫印

丙辰左軍都督府同知王之楨進右都督
丁巳京師大雨水壞民舍

七月申朔巡撫雲南右都御史陳用賓奏平緬叛酋阿瓦糾
木邦等夷十餘萬犯蠻莫宣撫司同知思化子思正素勇悍
隴川勾木邦阿瓦連諸夷來攻不能支走騰越乞我援阿瓦
木邦兵尾之歷二思越諸關直抵黃連關而陣距騰越三十
里域內大震兵備副使漆文昌叅將孔憲卿慮州城不保詔
思正殺之我兵取其首令阿瓦取一磚時謂陳用賓失計凡
為屬夷俱不保首領矣

王恂唱諸夷恣掠九閱月漸露購捕之

丙子夜月生五色重暈

戊寅太子少保禮部尚書兼東閣大學士沈鯉入朝

已卯吏部覆文選司署郎中事員外郎倪斯蕙議十八則曰
明職掌不輕改曰議推陞部寺便於輪對曰酌資俸存先後
之次曰酌南北別利鈍之器曰均邊腹使用有互効曰均勞
逸以服衝僻曰拔異等為循良勸曰搜遺逸以重真澹曰議
推捕就近曰酌起復優改曰優終養曰行人論俸當通筭曰
推官知縣筭俸當通融曰州縣調簡宜酌曰入粟太冗不妨

停小例開大例曰倉廵改選宜覈曰掣籤宜分地愜人情曰
試歲貢宜重策問命如議行

癸未夜有長星首赤尾白有聲中裂涿西南

署兵部事刑部尚書蕭大亨等以連東稅監高淮既獲逃軍
列銜鎮守協同關外其銜胡為乎來哉外廷不聞簡命之頒
而儼然竊之何也有旨高淮協管關務置不問

丙戌左都御史溫純論礦稅之害請撤李鳳陳增楊榮高淮
等云鳳淫縱空污婦女六十六人私貨至三百肩六十艘不
報時武弁奸人群起言利杜景雲奏徽州監生曹應鵬助工

六萬金閭應隆奏海澄縣機易山產金歲冶可金十萬銀三
十萬群臣力沮之不得

武清伯李文全進武清侯劉天錫嗣寧晉伯

吏部左侍郎朱國祚予告

薊鎮屬夷兀良哈部犂兔糾犯紅山溝守將敗之斬三十
級俘五十人

八月未德妃許氏薨謚莊靜初兩宮災妃屢刺工昏主不知省
上怒幽之至是命禮整

壬子河南道御史趙標避其父順天府尹欽改尚寶司少卿

令有司錢糧分定則例考成定殿最

丙辰浙江按察僉事汪先岸請福建都司副斷事山東道御

史劉九經請兩浙運司知事先岍前廣東道御史劾工部尚

書姚繼可九經以通政使沈子木匿其奏也

戊午前禮部左侍郎張一桂卒一桂字 開封人隆慶戊

辰進士

九 庚申朔命勘播州地界

辛酉戌刻有大星見東南色赤大如椀忽化為五聚各大如

前而中更皎子刻一又分為五久之合一大如麓頃復如初

曉漸沒

甲子停江西浮梁等十六縣二十七年以上逋租十之二

乙丑存問前戶部尚書畢鏗

丙寅 總兵官麻貴以餽遺劾罷

丁卯沈鯉請撤內臣罷礦稅釋繫臣不報

庚午總督薊遼兵部右侍郎萬世德三年考滿進右都御史

兼兵部右侍郎仍總督巡撫陝西兵部尚書賈待問考滿加

太子少保

庚辰大同副總兵焦承勳為

將軍總兵官鎮守大同

陞貴州安順州為安順軍民府

夜有大星色青白自角宿涿天苑小星二隨之又大小星數百錯行

壬午松江南匯獲夷男婦五十七人似琉球人浙江獲夷婦三人命付福建歸之

戊子兵科給事中洪瞻祖使琉球聞喪改兵科右給事中夏子陽

十 己丑朔折徵宿遷望江災租蠲休寧祁門婺源等縣

戊戌蠲泗州十二州縣災租賑之

予故南京兵部右侍郎李盛春祭葬

己亥總督薊遼右都御史萬世德卒世德字 山西偏頭

所人隆慶辛未進士 幹局通敏時稱才臣予祭葬

甲辰總督倉場戶部左侍郎謝杰九年考滿進戶部尚書

禮科都給事中張問達以星變請罷礦稅不報

戊申松潘副總兵周國柱棄職夜逃命逮之

甲寅領前軍都督府永康侯徐文煒調後軍都督府

丙辰諭停刑

是月前吏部右侍郎兼翰林院侍讀學士徐顯卿卒顯卿長洲人予祭塋

十一月戊午朔初吏部郎中倪斯蕙與御史何淳之胡鶚等爭班禮部議國初論品隆慶初定科道自為一等列部曹前皇

上登極以來常朝四班先科臣次吏曹五班先御史次各部曹今遽昂彼抑此非也命仍隆慶初

癸亥巡撫陝西太子少保兵部尚書兼右副都御史賈待問卒待問字學叔威縣人隆慶戊辰進士知咸寧拜禮科給事中稍遷吏工科左右出知懷慶改松江戊寅進山西叅政辛

巳進按察使三月進湖廣右布政止何轉左三年甲申進南京光祿寺卿旋拜右僉都御史巡撫南贛丙戌回院道進左副都御史巡撫福建艱去庚寅起甘肅遂上明年改撫陝西坐劾免三年起操江旋進兵部右侍郎撫陝西論功加右都御史會復松山加尚書兼右副都御史壬寅九月秩滿加太子少保年七十贈太子太保予祭塋

甲子真人張國祥乞母諭祭予六壇禮部尚書馮琦謂真人無例伊祖彥頤父永緒引方士邵元節陶仲文例得之非制也不聽

甲申南京太常寺少卿鄭汝璧為右僉都御史巡撫延綏贊
理軍務起右都御史蹇達總督薊遼保定軍務兼理糧餉經
略禦右僉都御史尹應元巡撫浙江提督軍務
乙酉南京太僕寺卿詹沂為太常寺卿

丁亥左通政李應策疾去

十月戊子朔朝鮮入貢請繼妃誥服許之

辛卯江西稅監潘相開採廣信封禁山木又採泰和縣山石
膏巡按御史吳達可爭之不報

乙未詹事郭正域為禮部右侍郎署翰林院事

故饒州府通判陳奇可卒於錦衣獄刑科都給事中楊應文
乞釋在繫諸臣不聽

己亥重建定海普陀寺浙江巡撫劉元霖諫止不報

癸卯徐希臯嗣定國公

漕運總兵官王承勳進太子太保

丙午存問前兵部尚書王遴

辛亥鞏昌地震有聲

故播州叛黨吳洪等作亂貴州巡撫賁安疆臣縛斬之盡俘
其衆

癸卯萬曆三十一年

正月朔 上不朝

己未海 千餘騎掠番漢兵備副使李有實同西寧叅將張大紀擊斬百三十六級家丁某冒級下獄夜鼓譟越城而遁奪大紀官

甲子享太廟

乙丑左春坊左中允兼翰林院脩編全天叙為左諭德兼侍講署司經局脩撰翁正春為右中允兼編脩

工部言山東巡撫黃克纘奏開王家口為蒙牆上派上派既連則下派不宜旁泄宜塞從之

丙寅內監王朝採煤西山帶營兵擾民宦人幾變朝議恐以阻撓奏閣臣及刑科都給事中楊應文工科給事中白瑜兵科都給事中南大益各請停採不報尋太監陳永壽言之撤朝

丁卯前翰林院檢討王肯堂謫海鹽縣丞以善申時行王錫爵鄉戚獲譴人頗冤之

許廣東市舶太監李鳳兼南雄橋稅

庚午順義王捨力克入貢

乙亥內監魯保兼浙直織造

丁丑魯府中山王顯埏謚溫懿鄒平王顯在謚康順
薊鎮總兵尤繼先進都督同知

乙酉英國公張惟賢為後軍都督府僉書

丁亥禮部右侍郎署翰林院事郭正域言嘉靖初盡撤天下
鎮守內臣今此輩布满天下伏願與天下更始悉罷撤政其
無辜被逮諸臣盡從寬

二月丑崇王常津請重補顯妾三人禮部尚書馮琦謂非例遂

罷其一

甲午前巡撫江西右僉都御史馬文煒卒文煒字 安丘

人嘉靖壬戌進士

乙未工科都給事中白瑜降湖廣布政使司照磨

戊戌南京鴻臚寺卿張朝瑞卒朝瑞字子楨海州人隆慶戊

辰進士知安丘量移南京行人司副轉戶部員外郎歷郎中

出知金華遷山東按察副使入應天府丞至今官守已潔嚴

歷仕克任廉吏不足以盡之矣年 十 諭祭

辛丑禮部奏朝鮮國王李昖舍長立次以次子瑋戡亂而置

長子何地今貢未可受也或虞彼疑畏姑收之報可仍令國
王確議以聞

甲辰旌唐王碩燠賢孝

壬子益王翊釗薨謚曰宣

癸丑來知德不應聘許翰林院待詔致仕有司月給粟三石
謚魯府陽信王壽鈔曰端慎

貴州永寧土司奢世續奢崇寅爭立燒普市

三丁月己朔戊午吏部奏天下各知府闕十之五

己未禮部尚書兼翰林院學士馮琦卒琦字用韞臨朐人萬

曆丁丑進士改庶吉士授編脩

歷庶事署翰林院印

進禮吏部侍郎學識淵練有公輔之望年四十六人咸惜之

予榮莖贈太子少保

王錫爵曰公負朝望甚早過主知甚深然甚早則才太盡

甚深則語太盡究公所以有聽有阻焦神狀形而中道天

者倘謂是也

顧其志為右副都御史巡撫陝西

癸亥大學士沈一貫沈鯉朱廢上守成遣使權宜三論守成
略曰今四方止虞國本大定獨礦稅名為收自然之利實強

搜小民橫剝額外 皇上但見微利不知大害試思此物何
來聚之禁中渾閒事耳而於民積厚成分積分錢積錢成
兩漸至千百費幾鞭撻幾械鎖鬻妻賣子析屋破家而後盈
此數也漢文帝云百金者中民十家之產妄索天下萬金是
傷天下十萬家妄索天下百萬金是傷天下萬家、家憑怒逞
忿何所不極其遣使略曰本朝立法莫詳於理財其入有稽
其出有考鄉有籍戶有符無朝夕二三之令起解存留各有
記簿雖數十年可覆知焉府史胥徒但供使令常餼之外一
錢即敗今中使而操利權古今所甚忌 祖宗所甚禁且非

徒操利權也又覲典兵如陝西遼東廣東皆私募徒卒公請
於朝明開跋扈之端此豈可假借哉其權宜略曰 皇上旨
下輒曰權宜明知其不當為不可為而姑試之耳將見今歲
而明歲不然此事然而彼事不然而今果權宜乎哉始暫而
即久始借而即真日復一日得毋託權宜以符天下之口乎
若是則先之以不信而誰委心者也

南京兵部職方司郎中鄒觀光為南京光祿寺少卿
丙寅「犯」沅岷陝西總兵官蕭如薰等禦於松山奔擅工川
斬八十一級番人二百五十五級收降番五千餘人

犯甘鎮總兵官連雲擊斬六十五級

戊辰王明為太僕寺卿陳子貞為右通政

辛未周弘教為左通政張鳴岡為南京太常寺卿馮渠張尚學為太僕寺少卿趙士登為大理寺少卿

壬申南京吏部言卿寺科道部署員闕有六年未補章下吏部

丁丑初清河口遽涸阻運御史蔣以化巡撫鳳陽李三才各以聞且請寬過淮過洪之期許之

庚辰前御史王象蒙降衛輝府推官

命順天尹禱雨

辛巳折黃梅等縣二十八年南糧七千五百六十五石

壬午兵部武選主事沈朝煥言戎政四事重京營

丙戌遼東大福堡火又地火見太原堡大如輪

四 朔亥朔日食改辛郊享太廟

戊子詹事周應賓為禮部右侍郎兼翰林院侍讀學士署院事

唐寅兩淮鹽法太監魯保請兼浙直織造給勅印部科文沮不報

大同副總兵王志賓進都督僉事

壬辰南京大理寺右寺丞丁賓為南京太常寺少卿

南京國子司業傅新德為右春坊右中允兼翰林院編脩清
理武臣貼黃

楚王華奎奏辨滎陽王府輔國中尉華越竄宗事章下禮部
初楚恭王隆慶初廢疾五年八月薨遺腹宮人胡氏明年二
月蔣生子華奎華璧時疑王疾久不宜子且蔣生何貌之異
也或云內官郭倫以族人如綽奴產子壽兒及王如言妻子
尤金梅所出並入宮妻子長為華奎次華璧儀賓汪若泉嘗

訐奏事下撫按宗室同王妃之說而止華奎嗣楚王華璧封

宣化王華越

言底素強禦忤王妻又郭如言女知其詳華越

盟宗人某某入奏楚先王風痺不能御內乃令宮婢胡氏詐

為有身臨蓐時抱妃兄王如言子為華奎又抱妃族王如綽

舍人王玉子為華璧皆出於妻恭人王氏口王氏如言女故

知之二孽皆不宜封爵通政使沈子木持未上禮部右侍郎

署翰林院事江夏郭正域素聞其說與沈子木頗悟

黃汝良曰世人病中生子者甚多何獨楚王且王府生產
自有衆目省視即使行詐何不詐於他妃宮嬪而獨詐於

官婢其妃嬪豈能容之又生二王後又生一郡主假男為
襲封也假女何為且如此大事並無所証而獨夫告妻証
其為誣罔明甚先是楚王襲封有武昌王者幾得其處已
先行妄奏考案無驗事寢王業於華越無恩適江夏鄉紳
當路以宿憾嗾之乃復妄奏下撫按更覆覈竟無事實乃
罷華越獲譴而鄉紳其忿恨彌甚時有宮諭蔣不害孟舟
封使楚還余問楚事蔣君言楚王與通山王形貌甚相肖
據華越所奏楚王與通山王乃民間二父所生安得貌類
其為誣罔更無疑矣

談遷曰楚恭王時錢塘沈樟亭為紀善一日忽出春申君
呂陽翟二傳示之沈知其指以死謝不敢當因懼禍致其
政歸見德符野獲編又予友吳氏仕楚府言楚王與宣化
王異狀而黃宗伯所聞貌乃相類又誤以為通山王也凡
人所見安能盡同耶

乙未脩南京奉先殿

丁酉少詹事唐文獻為詹事國子祭酒楊道賓為少詹事並
兼翰林院侍讀學士纂脩玉牒

田爾耕廕錦衣衛指揮使 田樂子

戶部議行條鞭法

何喬遠曰予讀諸郡縣志蓋具談古者十一而賦用民之力歲不過三日君子用一緩二三由右之道變今之俗此何異孟氏所謂黜道者蓋征課不一約以條鞭海內以為大便不特閩中顧予里居久覩朝廷時有恩詔赦免錢糧起某一年盡某年幾分幾分者而縣已徵解久矣里甲踵門必如數輸官一有不敷叫呼罵詈隨其後而以復有司民戶輸納不前何膚受也僻遠之邑冠紳乏人老科育為之令長分頭加額任其恣睢而大縣之吏以新進甲科為之其才力強智足以壓服人輒謂上官以此定優劣雖云九分為率急之不至十分不止其資高明者盡徵於公而未必盡輸於公何可究詰之也孟氏曰若夫潤澤之則在君與子矣此本夫人之膽智哉又必有仁心為質意不盡民夙夜在官不懈於位悉其耳目聰明以行於版籍額數之中則庶幾徵歛不失民不至困枿楊而竭囊索又烏敢曰蠲曰貸也哉

戶部請發內帑給邊餉 上命借太僕寺馬價二之一

庚子工部右侍郎汪應蛟疾去

乙巳沈一貫六年考滿進左柱國少傅中極殿大學士兼支
尚書俸廕中書舍人

丙午總理河道工部右侍郎兼右僉都御史曾如春卒如春
字臨川人嘉靖乙丑進士授行人轉刑部主事累遷今
官其河力主開黃家口領六十萬金竭智畢慮焉年十
予祭葬

謝肇淅曰初河決時歸德時患淺議勿塞輔臣沈鯉以累
其鄉而山東河南二巡撫議不合遂以河南巡撫曾如春
總河不使齊人有異議也既開新河雖深廣其南反淺隘
故水不行所決河廣八十餘丈而新河僅三十丈不任受
或告如春日若河決既回勢若雷霆藉其自然之勢以衝
之何患淺者之不深乎如春遂令放水河流濁下皆泥沙
淤勢稍緩下已淤半矣一夕水漲衝魚臺單縣豐沛間如
春聞之驚悸暴卒此亦宋慶曆李仲景之覆轍也

鍾祥地震

己酉李化龍以工部右侍郎總理河道

太僕寺舊庫自正德二年至萬曆五年共種馬價銀四百萬
遼自累歲借給今止百二十萬太僕寺卿王明言狀上命

仍如前旨
宣府地震

辛亥雲南

土舍儂應祖襲土同知不予世

吏部文選司郎中倪斯蕙為太常寺少卿提督四夷館

祁州大雨雹清苑蝗

壬子刑部尚書蕭大亨六年考滿進少保兼太子太保

勅許總河節制江北河南山東等處巡撫官

癸丑夜西南流星大如椀色蒼白末有光

五朝商諸大臣及科道各劾遼東稅監高淮不法俱不聽淮最

橫侵餉漁奪擁衛殆二千人騎七八百責將領厚饋矯中旨

檄朝鮮王作翼善冠十各綴大珠以百餘物稱是前月率三

百餘騎甲旆鳴金薄廣渠門云進稅馬大內久之去

壬戌封蜀府奉鐫隆昌王唐府器增寶慶王益府常潔安義

王益府由栢嗣羅川王周府肅濂嗣柘城王肅濬嗣瑞金王

在矜嗣鄢陵王

乙丑梁繼璠嗣保定侯維璠從子

丁卯左春坊左庶子兼翰林院侍讀黃汝良為國子祭酒

乙亥南京戶部尚書張孟男六年考滿進太子少保

丙子浦城縣火

戊寅京師地震鳳陽皇陵大風雨雹拔木

秦王誼惠奏字太細命如嘉靖八年例

庚辰安肅大雨雹成安永年肥鄉安州深澤以漳滏沙燕等

河溢壞隄岍靜海祁州尤甚圮城舍殆盡

癸未郊刻月犯金星歷城縣大雨水二龍相觸推山走石水

溢十大滄人畜亡筭

楊登山為署都督僉事總兵官鎮守四川

復以平越府清溪平浪偏橋鎮遠四衛隸湖廣黎平府隸貴

州

薊鎮屬夷獐兔犯車廠莊及冷飯谷官軍拒卻之劉四科進

兵部右侍郎兼右僉都御史

六丙戌朔四川雜谷安撫司番僧來貢

丁亥初太常寺少卿趙崇善行人陳名密使益府而益王計

聞禮部言冊使已行君命為重二王銀冊俱鑄今年月日萬

無銷改受封宜如常從之

己丑巡按貴州御史畢三才請總督王象乾同貴州巡撫平

亭水西疆界

辛卯華越跡下部科

戊戌禮部署事右侍郎郭正域言楚王襲封二十餘年何至今始發且不發於士民而發於女子骨肉間果真知真見否楚王上論華越彼同奏二十九人果公憤否乞下撫按公勘務楚王之原奏明而後楚王之名分可正各宗之真情得而後各宗之罪案可成上從之沈一貫謂三不當勘宮闈曖昧也年月久遠也事體重大也宜下撫按體訪禮科都給事中張問達詰郭正域何勘也曰某與楚王同城稍徇王見福非勘則楚王跡不白各宗罪不定王跡勘各宗跡不勘人於

何服閣部齟齬一貫杜門沈鯉擬勘蓋勘王當撤府事前無

例云

談遷曰羸呂之嫌涉於大藩其罰不細有前韓府漢陰王徵湜之已事在江夏不幸值其鄉邸磯之不可秘之不得務按其事果豬龍干位往時舊宮人追僂當如干人即先恭王之死骨其足寒乎故四明寬楚意隱其過不欲以暖昧中人然不宜角江夏之袒也相國意所右撫按亦右之何異同之有晉江黃汝良著冰署筆談云江夏以祖父籍楚藩護衛得譴於楚王既貴乃欲脩却每對朝紳頌言楚

王假子比華越之奏既絀轉恨政府不為主張遂造為妖書言政府潛謀易儲其誣江夏過甚江陵傾運王於前江夏擗楚王於後豈楚士善怨凡護軍起家必操戈入人之室耶

辛亥李騰芳為右春坊右贊善兼翰林院簡討

壬子南京工部尚書裴應章致仕

癸丑太常寺博士吳道行為吏科給事中

泰安州大水淹男婦八百餘人壞民居數千區

七丙辰潘府靈壽王瑄壇謚康穆

辛酉李庭機為禮部左侍郎兼翰林院侍讀學士

甲子御史湯元京言工科給事中鍾元斗劾左都御史溫純

初左都御史溫純劾御史于永清給事中姚文蔚刺及沈一

貫一貫冒嫌相擊 皇上雖再留純旨尚未溫畫南北於一

廷之上脩睚眦於白首之交故示羈縻待其委頓無聊銷翦

以去而令天下謂 皇上實棄之又純未劾永清文蔚時一

貫稱疾不出幕中豈無先哉入一貫奏辨不問

談遷曰地有南北人亦因之操勝兢袒富平見忤於太倉

三原再擗於鄆縣不出數歲此予彼盾大抵議論政事俱

視相臣為轉移賢者脩其實庸者徇其名又其下并名與
賈溷之黨同伐異秦誓所云休休誰其人哉

丙寅御史張養志終養年久起光祿寺少卿

壬申禮部右侍郎郭正域等言先臣應奪謚四人則兵部尚
書許論刑部尚書黃光昇大學士呂本禮部尚書范謙應改
謚一人則左都御史陳瓚應補謚七人兵部尚書伍文定南
京刑部右侍郎吳悌右僉都御史魯穆楊繼宗吏目鄒智欽
天監監候楊源吏部尚書陳有年

周應賓曰黃光昇頗有清望為縉紳所重部議止以擬海

瑞大辟一事貶之然少宰楊時喬嘗為余言海公下獄時
楊公方觀刑部政黃尚書始比海公輕律政府以為輕之
恐激上怒反致不測不如姑順旨而緩之故擬大辟尚

書實亡他也方郭公議覆時左侍郎李公且至郭以黃為
李鄉人恐奪其議故乘李未至前一日奏之

乙亥故富平知縣王正志卒於獄

丙子沈一貫乞休不允

丁丑京師大雨雹

兵部以永寧宣撫司土婦奢世統與妻子崇周爭印仇殺立

從子崇寧諸奸附水西立附利因四出焚掠請檄水西安疆
臣撤阿利息其爭從之

己卯旌靖江王新環沁水主府輔國將軍瑄圻孝義

辛巳豐縣大水

是月惠安縣地震

八月亥泉州大雨海溢溺人萬餘壞民居七筭

戊子湖廣撫按趙可懷應朝卿公勘楚府郭倫等云恭王果
廢疾然不敢決太妃王氏持之甚堅拷訊七十餘人俱不承
奏入下廷議 朱國楨史概尤金梅自縊

辛卯歸朝鮮涿民二十九人

甲午前中軍都督府右都督楊四畏卒

夜月犯斗宿

大理寺少卿張鳴岡為南京太常寺卿

是月主試京省順天 庚子蕭雲舉 中允翁正春應天

諭德陶望齡 中允周如砥浙江檢討高克正戶科右給事

中梁有年江西編脩郭焜吏科右給事中陳治則福建編修

陳之龍工部員外郎李之藻湖廣檢討孫如游吏部主事董

復亨河南尚寶司少卿趙標兵部主事王一楨山東工科右

給事中宋一韓兵部主事徐鑾山西吏部員外郎王士騏戶部員外郎李作舟陝西刑部主事費屯元工部主事馮從龍四川戶部員外郎江盈科主事崔師訓廣東兵部主事龐時雍中書舍人呂圖南廣西兵部主事沈光祚行人謝廷諒雲南刑部主事程象大理寺左評事姜志禮貴州兵部主事朱化孚行人張國儒

同安縣颶風大作挾潮壞廬舍亡笑

九明黃朔改平越安定二衛學平越安順軍民二府學設黃平州學正

戊午朝臣議楚事於東閣言人人殊戶部尚書趙世卿言尤悉曰事理可思國論可採彼此之事詞可參華越之初揭可查武岡王之卷宗可覆按婦人之言決不可聽禮部左侍郎李庭機彙奏大抵如世卿指郭正域始訕

巡按雲南御史宋興祖劾稅監楊榮責麗江土官木增退地聽開採夫麗江古荒服也歷代不臣獨歸我明木氏世知府守石門以絕西域守鉄橋以斷土番資其扞蔽今自撤其藩臣等不敢干預貽誤封疆

折免高安新建豐城奉新靖安上高新昌清江新喻新淦廬

陵永新安福寧州武昌武寧峽江泰和龍泉安義宜春萬載
分宜萍鄉災租有差

庚申總督李汶六年考滿進左柱國

甲子睢州涿盜掠江北

巡按河南御史楊光訓訟故浙江巡撫右僉都御史李天寵
之寃下所司

戊辰神機營右副將都督僉事杜桐為總兵官鎮守四川

庚午禮部右侍郎郭正域奏楚事之始沈一貫語臣親王不
當勘但體訪臣曰臣與楚宗同城偏徇禍且至若不行勘科

臣當言之一貫笑曰科道決不言也一貫於楚王跡先云當
勘今云不當勘今撫按勘上楚王奏辨並下廷議先通政使
沈子木匿華越跡則沈一貫主之又力不欲勘臣不知其意
何也正域指楚王覬壽百金約謝萬金以東上

己巳刑科都給事中楊應文給事中錢夢皋各劾郭正域夢
皋并及次輔沈鯉並不報

辛未沈一貫言華越入奏郭正域遣舍人導至沈子木所凡
覆奏片隻字不侵華越欲楚王避位聽勘是陰構之也有旨
焚王事真假何至今發覺華越夫訐妻証豈可憑信禮帖原

是壽儀後不書押俱難為據
癸酉翰林院庶吉士李胤昌睦石蔡毅中周如盤許麟劉一
燦薛三省公為編脩孟時芳王陞張光裕鄭以偉雷思需
為檢討王元翰呂邦耀曾六德袁懋謙為給事中宋燾王基
洪陳宗奭馮奕垣為監察御史

戊寅大學士沈鯉乞休不允

前巡撫偏沅右僉都御史江鐸卒鐸字

仁和人萬曆甲

戌進士授刑部主事歷山東左叅政開府黔陽奪情平皮林
苗始終制沒於苦次予祭塋贈兵部右侍郎廕錦衣衛指揮

僉事

十甲申穎州柅李華

前巡撫湖廣右副都御史孫坤卒坤字

睢州人嘉靖壬

戌進士授刑部主事累進今官

南京太常寺少卿楊鳳罷

戊子西山大木厥災

己丑謚周府臨汝王安詩曰清惠

丁酉折免淮揚鳳陽災租有差

禮部右侍郎郭正域罷焚王華奎奏郭正域因隸本藩夙憾

比姻宗室萃越來京寓其兄國子監丞正位所為謀主宜斥
章下吏部

戊申國子祭酒黃汝良為少詹事清理武昌貼黃
是月泉州地生毛

十一甲寅禮部左侍郎李庭機奏郭正域題覆楚王事先後不
言其假無容再議上從之時票楚事皆次輔朱廩二沈引
嫌不出

乙卯南京刑部尚書趙參魯六年考滿進太子少保

戊午諭戶部福王歲祿萬石今在京歲支三千石鈔萬貫待

之國全支

己未蠲金御等十六州縣貧民鹽鈔及濟寧任城屯糧

辛酉浙江江西福建地震

甲子福建礦稅太監高案奏奸民張疑百戶閻應隆渡海往
呂宋國採機易山金豈之妄先是疑誑奏得旨福建巡撫檄
海澄縣丞王時和及應隆同往佛即機國酋宴丞問金豈生
何樹也丞無以對數日疑泛言曰大地皆金何必問樹酋
大笑幾殺丞、歸悻死疑無以報命逮斬傳首海外呂宋因
厚市華人鉄器、空盡殺華人凡三萬餘有潘利五夜刺酋

死遁歸後下獄

乙丑蕭雲舉為國子祭酒

丁卯蜚語曰續憂危竑議凡三百餘言謂東宮不得已立

之而從官不備寓後日改易之意其特用朱賡者更也一

時與鄭妃約暗寓內外官附賡者文則王世揚戎政孫瑋保

巡李汶陝西總督張養志御史武則王之楨錦衣左都督陳汝忠京營

驗王名世錦衣千戶王承恩錦衣千戶鄭國賢錦衣指又有陳矩朝夕

帝前以為之主沈一貫右鄭左王太子生母以規福避禍他日必

有靖難勤王之事吏科都給事中項應祥理四川道御史喬

應甲書其刊一夕間自宮門迄於街衢皆徧厥明舉朝失色

莫敢言大學士朱賡得於私宅以聞請緝其人身乞歸不允

上大怒令廠衛搜緝務得造書主名責項應祥喬應甲回

奏沈一貫請嚴跡之偵校塞路購賞格五千金官指揮僉事

或曰妖書似出清深之口將以傾沈一貫者或曰此奸人作

之以陷郭正域正域時有清深領袖之目見忌一貫

夏允彝曰見怪不怪其怪乃敗當初發時倘上令焚去

置不聞不亦可乎而當局者竟借以傾清深故激上怒

至此可歎也

王恩民為右副都御史巡撫福建

已巳喬應甲項應祥各回奏以奸書謗人無自名理不問

庚午陝西道御史康丕揚將例轉內監賈忠貞語丕揚乘妖書可免遂請即結楚獄逐游客僧道母隱奸 上是之

辛未懋諭 皇太子又傳戒內外執事者 上自泣下 皇

太子頓首謝

癸酉刑科給事中錢夢臯奏錦衣衛左都督王之楨 李

楨國跡辨皆有所指似知其人千戶王承恩王名世跡辨云

好惡不可忍命詰之於是王名世首錦衣衛都督僉事周嘉

慶而王之楨李楨國王承恩合指之下東廠會鞠嘉慶妻妾

又舍人袁鯤慘甚至死不承蓋嘉慶負氣忤之楨同官相傾

嘉慶祖詠以軍功詹娶時詔言沸涌坊市無敢偶語

吏部尚書李戴女弟 丙子提督東廠司禮太監陳矩以錦衣百戶崔德緝順天黜

生嚙生光鞠之子其篇婦趙氏陳氏并讞生光性險賊善脅

人金坐謹戎大同赦歸終不悛猶脅鄭國泰家鞠日王之楨

請專人聽記有旨不許又密懇於矩、不聽

戊寅禮部右侍郎周應賓詹事唐文獻侍班東宮少詹事楊

道賓右中允王圖左右中允兼翰林院編脩吳道南馮道南

直日講

庚辰錢夢臯論妖書判次輔沈鯉謂郭正域衣鉢門生也蓋沈一貫當路忌左都御史溫純疆直鯉躡左員望供天啟聖聰牌於闕入則禮之素善郭正域時開告密對人曰此事何必張皇也一貫大不憚正域放歸待東潞河之礪村聞問不絕沈氏益側目

申刻有大星如毬自泉州南有聲

辛巳沈鯉奏辨不問

十仁壬午朔錢夢臯奏攻郭正域寓僑醫吳江沈令譽多貴游

巡城御史康丕揚跡捕之搜得楚王華奎揭華越副封又刑部主事金壇于玉立所致吏部郎中太倉王士騏書以玉立起官士騏與郭正域力也又前漢中府同知荆門胡化首渠縣訓導阮明卿撰妖書化家居忤知州阮上卿走京師適上卿弟明卿選訓導因誣奏之蕪問無據明卿為夢臯姻故論郭正域曰沈令譽郭氏之食客胡化又同鄉同年也當亟訊奸黨治正域亂楚首惡之罪次輔沈鯉屢為奸人緩頰舉朝曰大變彼曰小事舉朝曰當捕彼曰可容所上揭有震動人心虧損聖德等語曰互隱伏意欲何為跡入中外大駭時又

捕僧達觀以達觀答郭正域書有云慈聖欲建招提見處
主上斷不與安得云孝亦搜之沈令譽所

都督同知提督京城巡捕陳汝忠以郭正域舍人毛尚文入
京鞠之并逮正域家口十三人及布衣江夏王忠巡城御史
康丕揚捕僧達觀琴士鍾澄百戶劉相等同沈令譽拷掠皆
不承

癸未晉府河東王慎鍵謚安裕趙府江寧王翊鉉謚端和秦
府永王敬鏞謚昭憲
周嘉慶釋獄

甲辰萬曆三十二年

正月子朔上不朝

己未琉球入貢賀東宮

辛酉初上手諭內閣以祈天永命保國安民事宜沈一貫
等奏皇上視財太重視人太輕取財太詳任人太略宜亟

罷礦稅補廢官擬諭四道不報

壬戌前協理京營戎政右都御史兼兵部左侍郎顧養謙卒
養謙字益卿南直通州人嘉靖乙丑進士授工部主事歷郎

中轉福建按察僉事歷廣東叅議副使坐事調雲南僉事撫
順寧土官進浙江右叅議弭兵變進霸州兵備副使未行平
杭卒之亂改杭嚴道論功徙薊鎮進右僉都御史巡撫遼東
屢破倭進右副都御史再戰鎮寧堡牽馬嶺己丑次遷南京
戶部右侍郎總督糧儲憂去奪情起兵部右侍郎兼右僉都
御史總督薊遼保定請終制始行未至改兵部左侍郎會閔
白事棘改總督薊遼兼經略議不合求去進右都御史兼工
部右侍郎總理河道引疾去踰年起協理京營不赴侗儻豪
邁以才武稱於薊遼其功不著年六十一予祭葬

癸亥吏部大計奏上未下

署詹事府事禮部尚書兼翰林院學士曾朝節卒朝節字直
卿湖廣臨武人萬曆丁丑進士及第授翰林編脩歷今官溫
恭愍慎時推長者年七十所著芝園集易測臆言大學解若
干卷賜祭葬贈太子太保

乙丑總理河道工部右侍郎李化龍請開泇河曰河自開封
歸德而下合運入海其略有三由蘭陽道考城至李吉口通
堅城集入陸莊樓出茶城而向徐邳是名濁河為中路由曹
單豐沛出飛雲橋入龍塘出徐溝而向徐邳是名銀河為北

路由潘家口過司家道至何家隄經符離道睢寧入宿遷出
小河口入運是名符離河為南路南路近陵北路近運惟中
路既遠於陵亦濟於運前督臣排群議以興茲役竟以資運
乏絕不得竣事然自堅城以至鎮口河形宛然故為今之計
惟守行隄開泇河其善有六其不必疑有二云工部覆從
之運不借河善一二百六十里之泇口避三百三十里之黃
河善二運不借河則我為政善三估費二十萬開河二百四
十里善四開河召募濟貧民善五糧舡過洪春盡畏河漲運
入泇河朝暮無妨善六為陵捍患為民禦災無疑一徐州向

苦水開泇河以安徐人無疑二又工科給事中侯慶遠亦稱
便或費滋不妨增益工部覆從之

己巳福王婚費三十萬金有奇

庚午夜月犯角宿

癸酉禁蜚語游士

甲戌禮部覆樊山王府鎮國將軍翊慶請立宗學領以宗室
略比涿官從之即授翊慶

乙亥閣臣再請下大計未報

丁丑科道拾遺未下

禮部請宣播州之捷告郊廟從之

辛巳少詹事楊道賓知貢舉

思明府土目陸佑叛入安南旋殲之

二月未大學士沈鯉辭主試謂臣入朝人皆預擬次輔典試也

丙戌大學士朱贇禮部右侍郎唐文獻主禮闈

丁亥少詹事黃汝良直東宮

設貴州夜郎巡檢司於播州

禮部左侍郎李廷機言宗籙捷法曰免重結蓋報生一結父母來歷既明此後選配另結外至於請名請封請婚單取王

宗結竟遍各長史教授據宗結具奏曰定取期既有保生奏

結又有玉牒冊妾媵冊年終攢造冊殤卒冊俱可備查本部

復設格眼將各宗父母來歷生卒月日併保結某室某人備

書位下該司呈堂親注應名封者註應字另題者註另字用

印每年挨查其期某府某位類行長史教授啟知如萬曆十

七年報生今年十五為封婚之期則行取請婚選婚如二十

七年報生今年五年為名期則行取請名本部如期行該府

類奏則府役部役何所需索提綱挈領去繁省奏莫捷於此

從之

戊子吏部乞留入計諸臣選科道不許

庚寅署兵部事刑部尚書蕭大亨言萬曆二十五年九月恩詔內勾軍其遠年祖軍族盡者准銷有丁者許附近衛萬曆三十一年十月山東巡撫黃克纘則盡改近衛邊地必至空虛臣今酌議未經赴部題請者如撫臣議停止從之

辛卯巡撫湖廣右副都御史趙可懷九年考滿進兵部尚書

甲午大同應州地震

丁酉夜火星逆行入角宿

旌蜀王宣圻勛餉立坊曰忠賢懋著

甲辰鎮安府泗城州土官岑奇鳳等入貢

丙午駝龍奔古阿著等族番人竹節永肖等入貢

己酉駙馬都尉楊春元微服走固安命錦衣衛官追之教習

禮部主事鮑應鰲及其父免官

庚戌四川貴州廣西湖廣等萬里箐寨等并宣慰司安疆臣

入貢

三朔丑

道御史余懋衡等奉遣請符驗命瑛訊明妖書

丙辰兵部言海西建州二夷歲貢交通積猾分外需索宜如朶顏三衛例留賞塞上於十人令一人入京而督撫云貢夷

橫肆應革賞選材官四五員輪押三年內有功者薦用違犯者永革報可

丁巳漳泉地震有聲

甲子乾清宮成

叙松山斬獲功

乙丑策貢士楊守勤等三百人賜楊守勤等進士及第出身有差

丙寅騰驤右衛千戶李英請清御馬監牧地歲可二萬金命御馬監右監丞王昇往閱揭沮之不聽

丁卯遼東稅監高淮奏昨十一月千總楊于世以冢宰李戴書及符繙往遼東命還于世同周嘉慶曠生光袁鯤等對鞫戊辰勅御馬監左監丞王昇徵收牧馬草場租課

夜大同陽和見大星如斗先白漸赤其光燭地

謚淮府廣信王厚燝順恭永豐王翊銳莊裕德興王厚載端順

戊寅詔革駙馬楊春元都尉切責之閣揭謂春元尚榮昌公主十年子四歲今欲棄秩歸田情必難堪更加詰責恐傷至情但密諭省改戒府中門婢務遵禮法上然之命春元國

子監習禮百日

庚辰左都御史溫純言礦稅毒虐乞速廣東稅使李鳳撤陝西稅使梁永雲南稅使楊榮不報
永寧土司奢世續奢崇明事平

四朝巳朔日食改乙酉享太廟

壬午閣臣請下考選科道不報

乙酉提督東廠司禮太監陳矩奏妖書獄移敏生光刑部論斬上欲加等以謀危社稷律論磔矩素清直妖書事保全善類為多

癸巳命順天尹禳雨

巡撫甘肅徐三畏加右都御史

廣東左布政使徐應奎致仕加太常寺卿

甲午總督倉場戶部尚書謝杰卒杰字

長樂人萬曆甲

戌進士授行人使環球歷右僉都御史巡撫南贛汀韶刑部

侍郎敏才任事年十予祭葬

刑科給事中錢夢臯例轉湖廣布政司參議沈一貫揭留之

談遷曰四明越年例揭留錢夢臯其後又留康在揚何示

人之以私也四明筮仕以學行著觸忤江陵及身當其國
明杆考功法江陵有是耶

已亥錢夢臯言科臣都給事中有序轉餘有劣轉都給事中
外轉則參政左右給事中外轉則副使參議散科外轉止僉
事今臣惟參議謂優則自揣無功謂劣則臣罪未著乞該部
明其功過有旨仍故官

唐子載堯封襄王珣鎬嗣蘭陽王載堡嗣廣信王朗鎮嗣建
寧王常湍嗣平度王恭樞嗣儀封王朝溘嗣上維王睦陝嗣
臨汝王承紛嗣慶符王

左都御史溫純總督宣大兵部尚書楊時寧各考滿加太子
太保

壬寅曠生光磔於市妻子戍邊妖書非生光也第其人有可
死故人不甚憐之御史沈越力持生光已越出使道卒時見
生光求償或曰妖書出武英殿中書舍人永嘉趙士楨後士
楨疾篤自言之肉碎落如磔

談遷曰妖書一夕徧朝市聞其事甚恠而緹校勾攝旁午
四出與漢治巫蠱獄何異王之楨猶江充也四明猶公孫
賀也即不株東宮於含沙射人寧有幸乎曠生光誣服

以死得弛羅織設事更遲回魚網之設鴻則罹之都人未
得安枕也易曰君子慎用刑而不留獄今安得張釋之于
定國而語之哉噫

錦衣衛百戶崔德為指揮僉事如賞格

甲辰南京工部右侍郎范崙為尚書

唐成陝西道御史康石揚叅楚宗華趙等謀陷親王之罪并
刺巡撫趙可懷等模稜觀望命下所司

五王子巡按四川御史李時華奏勘播州地界曰沙溪渭河在
播州水西皆有之見於通志當楊相出奔時爭界兩省勘還

謂非播地其誰信之比總督所以繪圖也然水西侵疆非安
疆臣始疆臣守祖父遺地為故物方貴州危特一兵一餉俱
籍疆臣故撫臣許其拓土今即不然而反割之如撫臣何今
日或予或奪惟在上裁章下所司

甲寅南京提督操江右僉都御史耿定力九年考滿進右副
都御史

乙卯青城縣天鳴

戊午順義王捨力克并套，卜失兔等各貢鞍馬弓矢求陞
賞量許之

己未皇孫女生

壬戌謚益府安仁王常滌昭憲

乙丑東廠太監陳矩錦衣衛左都督王之楨各廕錦衣衛百

吏部左侍郎楊時喬攝部事

辛未巡按江西御史吳達可薦布衣南昌章潢隱居樂道年

逾八袞且如吳與弼胡居仁例優以京秩禮部覆上不報

壬申進福建總兵官朱文達都督僉事時沉舟倭二十五艘
擒斬百三十二人

癸酉夜大雷雨藝長陵明樓碎 文皇帝陵碑

甲戌建州衛夷入貢

乙亥南京大理寺卿游應乾為戶部右侍郎提督倉場 馬

鳴鑾為右僉都御史巡撫宣府督理軍務

部院諸大臣伏闕奏昨午四月朔日食胃度今四月朔亦然
昨年五月二十三日雷震皇陵今是日又長陵此一異也陰
霾經月霖雨經旬京城內壓死數十人城外漂蕩數百家此
二異也天壽山孽虫食松柏洪水衝橋道此三異也願 陛
下惕然思幡然改勿輕宗社勿簡政事易災為祥當必有道

伏闕歷辰午太監田義傳諭各安心供職毋要挾沽名
六廟辰朔叙楚黔皮林功進沈一貫少師兼太子太傅詹中書
舍人沈鯉太子太保朱賡太子少保各廕子入國子監賜金
幣進巡撫楊芳兵部右侍郎

兵部覆總督王象乾巡按李時華水播分界事在象乾謂水
播以渭河分界在時華謂水西助兵失之土司得之土司非
分我內地臣等竊議據法允播州故地當復平心而論止論
渭河在所當予即上堰即烏椎尾諸處嘉隆以前當曲處以
示朝廷之寬章下撫安

甲辰皇子常溥生

己酉東寧伯焦夢熊恭順侯吳汝胤為後右軍都督府僉書

七廟戊朔京師大霖雨

壬子沈一貫請叙播州功不報

戊午太僕寺添註少卿何倬為大理寺左少卿

己未禮部奏貢番昔藏等貢籍不載詔卻之仍給賞

辛酉發太僕寺十萬金賑都民

光祿寺少卿馮藻為太僕寺少卿吏禮科都給事中項應祥
張問達為太常寺少卿應祥添註

癸亥畿內永平保定真定等水災

甲子南京光祿寺少卿鄒觀光為南京太僕寺少卿

丁卯起劉應麒南京大理寺卿

戊辰錦衣衛 李如楨提督京城巡捕

癸酉沈一貫上揭曰恤西山被災蠶戶曰叙播州功曰截漕

十萬石壑菜江北曰定館師曰補部院大臣庶僚曰蠲牧地

命免徵蠶戶三月截漕六萬石撤王昇

甲戌前南京兵部右侍郎許孚遠卒孚遠字 德清人嘉

靖壬戌進士自工部主事調吏部歷郎中出廣東按察僉事

歷今官性質直不事藻飾學務實踐雖服膺王氏而非良知

也年 十 予祭墓贈南京工部尚書天啟初謚恭簡

禮部署部事左侍郎李庭機定京省提學官三年內歲考科

考毋類考從之

乙亥福建左布政使徐學聚為右僉都御史巡撫福建

丁丑陳啟嗣嗣平江伯

八 庚辰右春坊右贊善李騰芳為右中允署國子司業

辛巳秦州地震如鼓聲

閩臣奏辛丑庚吉士擬科道及二十六年行取候補給事中

吳道行沈鳳翔汪若霖朱一桂候補試御史朱燾又起復候
考熊鳴夏周若庠蕭淳臣等屢催請乞早降德音

甲申冊順妃李氏

乙酉吏部右侍郎周應賓禮部右侍郎唐文獻俱協理庶事
府教習庶吉士

庚子巡撫山東右副都御史黃克纘報河決蘓冢莊淹豐沛
黃水逆流灌濟寧魚臺單縣而魚臺尤甚邑地十五社止一
舍不及水

辛丑諭內閣切責伏闕奏擾廷臣

甲辰太僕寺添註少卿林煜為南京太僕寺卿

丙午武驤左衛百戶陳起鳳請採大木以覲利除名盡逐其
黨

福王常洵因天變辭崇文門外官店不允

九朔申朔翰林院檢討蔡毅中上皇明祖訓節略內閣礦稅者
為註疏二十二卷不報

己酉賜建德王翊鉉書院曰守義

庚戌山西左布政使李景元為右僉都御史巡撫山西提督
鴈門等關應天府尹趙欽湯為南京通政司使

癸丑朝鮮國王李昞貢方物求次子瑋封為世子

甲寅右春坊右諭德吳道南中允楊繼禮主武闈

故吏部尚書倪岳曾孫儒翰特補入國子監不為例

丙辰大理寺少卿李堯民為應天府尹

太常寺少卿趙崇善卒崇善字伯蕪蘭谿人萬曆丁丑進士

故南京國子祭酒蔡清贈禮部左侍郎謚文莊

丁巳巡撫寧夏右僉都御史黃嘉善進右副都御史詹子入

監

辛酉夜木火土星聚尾宿順行

刑科都給事中楊應文為南京太僕寺少卿添註

壬戌巡撫雲南陳用賓奏平緬夷內附

南京尚寶司卿于若瀛為通政司右叅議

癸亥巡撫鳳陽李三才報稅監陳增搜參隨程守訓王惟忠

等索賫亾筭守訓供四十萬請盡其法詔逮諸黨翼

乙丑夜客星見西南赤黃色如大彈丸

戊辰南京刑部右侍郎王基為南京戶部尚書兼右副都御

史總督糧儲

庚午禮部言朝鮮舍長子臨海君瑋三次子光海君暉非法
工是之諭李暉再思母後悔

魏國公徐弘基為南京中軍都督府僉書

壬申釋馮應京華鈺何棟如等獄永不叙用
分水河成

癸酉前南京兵部主事李復陽為尚寶司少卿

前協理京營戎政兵部右侍郎許守謙卒守謙字

崇城

人嘉靖乙丑進士予祭葬贈兵部尚書

是月套_卜炒忽兒等犯延綏孤山東路副總兵杜松卻之斬

何德於美命而諱之子其詆誣美命已極毫毛茂、陷文

不活非謂是耶

乙巳諭平播功陞賞不及世爵云何

丙午沈一貫言宣德九年平松潘功總兵方政止右都督成

化二年平都掌蠻功提督程信止兼大理寺卿萬曆二年平

九絲蠻功巡撫曾省吾止侍郎總兵劉顯止都督同知今播

功雖大而總督一巡撫三總兵五其功同概爵則濫歸一則

偏不若優其陞賞也謹擬李化龍少保世錦衣衛指揮使總

兵劉綎復原官陳璘進左都督世指揮使馬孔英出降胡吳

廣季應祥出武生世正千戶巡撫郭子章江鐸俱量加官秩之

湖廣左布政使梁雲龍為右副都御史巡撫湖廣

十月庚戌諭鄖陽江西河南撫按南京守備官協剿楚叛

南京右春坊右諭德劉日寧為南京國子祭酒

辛亥起孫鑛為南京右都御史

壬子戶部尚書趙世卿請核邊餉報可

甲寅始叙平播功李化龍兵部尚書進少保世錦衣衛指揮

使貴州巡撫郭子章右都御史萬兵部侍郎仍巡撫蔭錦衣

衛指揮僉事湖廣巡撫支可大復原官蔭子入監偏沅巡撫

江鐸贈兵部右侍郎蔭錦衣衛指揮僉事劉綎陳璘俱左都

督世本衛指揮使吳廣李應祥世本衛正千戶贈應左都督

張棟楊世教楊寅秋各贈太僕寺卿蔭子入監蕭大亨改兵

部尚書加原蔭一級世襲

談遷曰秦蜀兵興各懸賞格不受封侯之爵尋事定賞俱

不行謂功非一人概爵則濫獨不曰發縱指示折衝橫草

有不當平論者乎諸大將馘一小醜猶得一階半級今越

若干年頭項為白或化為異物又甚者景風之賞未甄膚

受之言已至檻車對簿釋甲就徵此何法也朝四暮三則
狙恣今國家論功專恣狙之術不令人喜何以勸後援桴
鼓則忘其身乎

丁巳楚府叛宗皆下獄先三十三人繼四十三人

己未刑部尚書蕭大亨改兵部尚書兵部尚書王世揚憂去
巡撫南贛汀韶右僉都御史李如華加兵部右侍郎

進沈鯉少保兼太子太保朱膺太子太保並兼文淵閣大學
士詹中書舍人俱考滿

丁卯命太僕寺以都民之餘分賑保定薊鎮各三萬金

華陽縣天鼓鳴

癸酉先是李化龍憂去巡撫應天右僉都御史曹時聘為工
部右侍郎總理河道

甲戌禮部主事彭遵古為尚寶司丞

十一月丁丑朔日南至戊寅免朝賀

乙酉刑部左侍郎董裕為左侍郎前山東左布政使沈應文
為刑部右侍郎通政司左通政周孔教為右僉都御史巡撫
應天督理軍儲

夜浙直福建地震興化尤甚壞城舍數夕而止

丁亥兵部覆巡撫福建右僉都御史徐學聚奏逐內洋紅夷
從之

辛卯翰林院檢討朱國棟為南京國子司業

乙未前戶部左侍郎王之垣卒之垣字爾式濟南新城人嘉
靖壬戌進士除荊州推官隆慶丁卯擢刑科給事中歷都給
事中進聖功錄基命錄皆留覽辛未進太僕少卿三月轉鴻
臚寺卿萬曆甲戌進大理寺右少卿改左又改南京太僕寺
卿改北丙子遷順天尹丁丑遷右副都御史巡撫湖廣庚辰
遷戶部右侍郎壬午督理京營明年改左提督倉場歸省遂

不出年七十八子象乾總督兵部尚書象晉進士象晉戶部
員外郎其門鄉舉十四人甲榜十人當世稱新城王氏最盛
予之垣祭墓贈戶部尚書
甲辰總督漕運李三才奏
稅監陳增死令儀真稅使內

官監暨祿兼理

是月犯河西新河

十二丁未朔旌魯王壽鉞衡府高唐王翊鑲孝友

已未蠲^減淮徐浦租

辛酉夜客星見尾宿

甲戌予放廵撫大同兵部右侍郎房守土祭墓齊河人萬曆
丁丑進士

乙巳萬曆三十三年

正月朔上不朝有男子趙應元登午門樓執之

庚辰銀定互成犯甘肅鎮番衛總兵達雲遣副總兵柴國
柱擊斬三百餘級

辛巳總督四川湖廣貴州兵部右侍郎王象乾憂去

丙戌吏部左侍郎楊時喬請京察期主上即命時喬沈一
貫忌時喬清嚴擬兵部尚書蕭大亨主計不允

大理寺左評事姜志禮言本月十日臣同刑部主事陳國是
及提軍主事顧自植視囚斃十五人推之積日推之他處又
何極也乞矜厚輕繫勿致淹頓不報

壬辰廣東撫按戴耀林秉漢奏稅監李鳳憾潮州推官姚會
嘉遮辱於廣州不報

甲午罷四川遵義兵備左布政崔應麒視兵備參議徐仲佳
通判鄭弘烈職奪總兵官林桐二月初總督王象乾以遵義
人羅學茂等請土事令千總周世祿詢之學茂等述水西侵
地狀誘安疆臣弟順臣携衆四百人及西人七百餘家來歸

稱獻地疆臣勒兵追之訴巡按御史李時華捕學茂得道臣
諭帖鄭弘烈書因劾應麒等請歸其西人

辛丑脩天壽山諸陵

癸卯吏部京察老疾三人貪酷十人罷軟六人不謹九十人
浮躁三十九人才力不及三十二人跡留中

定河南開福王府內監孔一龍工部主事房楠監工

二朔午諸大臣自陳乞罷俱留之惟工部尚書姚繼可不報
巡撫廣西右僉都御史兼兵部右侍郎楊芳國言稅監沈永
壽以土產金銀鉛錫派有司包解永康思恩等州縣原無礦

峒亦派千三百金宜免不報

己酉巡按廣東御史林秉漢上三事清仕路籌邊餉厚宗藩

因言楚宗戕撫臣罪固罔赦假王豈全無影響宜如 憲宗

朝故事或下撫按或遣廷臣往勘如假則正法如真則治枉
罪不報刑科給事中錢夢皋駁其私郭正域臣被察因當事
代為正域地有旨謫秉漢

庚戌總督宣大山西太子太保兵部尚書楊時寧自陳許致
仕

癸丑遼東總兵官寧遠伯李成梁年八十七乞休不許

戊午巡撫江西兵部右侍郎兼右僉都御史夏良心卒良心
字景堯廣德州人隆慶辛未進士授刑部主事

歷今官忠誠廉慎終無訾議予祭葬贈兵部尚書立褒德

祠

庚申夜月食

癸亥右春坊右中允楊繼禮為南京左春坊左諭德署翰林
院事

乙丑南京吏部京察疏工留中

尚書曾同亨考功郎中徐必達察處

科給事中祝世祿

丙寅謚周府博平王朝基榮和彰德王朝塏榮昭潘府沁水

王埕堦康僖

靳王憲煥榮順光澤王憲燿莊懿楚府通山

王蘊鉉恭憲追封潁川王勤模懷端

辛未脩孝陵成

三丙子宣府總兵官梁彥免失援清河且冒捷也

辛巳吏部趨計跡有旨留被察給事中錢夢皋等御史錢一
鯨等餘如議

辛巳諭吏部都察院曰京察科道不稱職者甚衆豈皆不肖
必有私恚朕不得無疑蓋去沈一貫私人被詰責也

丁亥吏部左侍郎楊時喬左都御史溫純等言察處科道母
萬曆二十一年科七人道十人二十七年科五人道九人今
議處科四人道七人皆參衆矣公而聖諭嚴切臣等無狀宜
罷 上不問

己丑署翰林院事禮部右侍郎兼翰林院侍讀學士唐文獻
卒文獻字 華亭人萬曆丙戌進士第一授翰林脩撰丙

申進右中允明年右諭德辛丑少詹事癸卯詹事學術純粹
直東宮善啟沃沈一貫忌其清勁予祭一半莖吏部覆請贈
禮部尚書加祭一全莖天啟初謚文恪

四川總兵官林桐罷

庚寅司禮太監田義同總督京營戎政秦寧侯陳良弼署協
理京營戎政兵部尚書蕭大亨巡視京營御史李楠大閱三
營

工部尚書姚繼可跡乞休三十有六未允因掖至文華門泣
奏 上責其狂躁

乙未江南副總兵侯國弼為署都督僉事總兵官鎮守四川
山西總兵官都督僉事姜顯祚為鎮朔將軍總兵官鎮守宣
府

丁酉裁馬湖府通判一

辛丑立長陵碑侍郎李庭機祭告

南京總督糧儲王基以拾遺自辨 上特留之

壬寅勅總兵官馬棟鎮守山西

行人劉宗周終養

甲辰前戶部右侍郎莊國禎卒國禎字

晉江人嘉靖壬

戌進士知會稽擢戶科給事中歷前官予祭葬

四丙午裁同州判官鎮原縣丞狄道縣摩雲嶺安定縣峽口二

巡檢司

甲子蜀王宣圻前辭祿千石至是告匱復之不為例

丙寅武昌地震有聲

己巳前都督府帶俸興安伯徐繼榮卒

辛未 上不御殿傳制封左銀奉新王勤職義陽王在整安

吉王由棟安仁王載坻貴溪王壽鏐東原王以浩安丘王壽

陔鄒平王盛浮通城王奉錄南川王效鑿保定王效鏗沁水

王誼汎永壽王敏恣河東王術輦蘄水王是日行人李嵩使

府不至奪俸二月

五甲戌朔國子祭酒蕭雲舉為庶事兼翰林院侍讀學士清理

武臣貼黃左右庶子全 天叙王圖為少詹事兼侍讀學士纂脩玉牒

丙子伏羌伯毛國器省墓

己卯薊鎮石塘路大雨斃十人

癸未工部請禁雜差擾驛從之

甲申京師大雨雹

乙酉雷燬薊鎮松棚路墩臺己丑又燬燕河路墩臺

東二百餘騎深掠連東戚家堡

謚上蔡王載坂溫裕

辛丑廣西陸川地震聲如崩山壞城舍人畜亡筭

六月初午前馬湖知府郭郭卒郭字維藩涇陽人嘉靖戊午貢士

踰強益學教授龍巖洞中久之就獲嘉教諭隆慶庚午擢國

子助教遷戶部主事萬曆庚辰出知馬湖三年自免學重根

本鏡、主教不自屑越年八十八所著仰鄭堂集自警俚語

等書行世門人私謚貞懿先生

丁未諭釋輕繫

戊申叙廣東錦囊南澳欽州等禦倭功

丙辰宣臨沱河州之捷

戊午吏部言終養之例惟京官外方面官得陳乞府佐以下不多見也近多濫觴必歷三年經薦者方許代題從之東百五十騎犯戚家堡

庚申吏部考功司員外郎賀燦然言被察科道與左都御史溫純皆當去不報議者謂燦然謂停國是不別涇渭非也

壬戌吏部左侍郎楊時喬以溫純共事上章自理不報

癸亥南京吏科給事中陳嘉訓河南道御史蕭如松等各論錢夢臯鍾元斗篩辨報怨不報

丁卯南京浙江道御史朱吾弼言拾遺大臣必不可容被察

科道必不可留內外官各衙門諸臣必不可已極論沈一貫結近侍陽施陰設不報

己巳領中軍都督府寧晉伯劉允正卒

庚午陝西嘉石草坡等族番人來貢

廣西靈川縣社稷壇地陷丈餘

七 丙子兵部武庫主事龐時雍論沈一貫欺罔⁺愆誤國十罪乞早決弊源不報

戊寅趣琉球封使渡海

辛巳太子太保左都御史溫純致仕錢夢臯鍾元斗各避疾

京察始得奏太常寺少卿桂有根調南京鴻臚寺卿張棟開
任太僕寺少卿王立賢調外

前太子少保禮部尚書兼翰林院學士陸樹聲卒樹聲字與
吉華亭人嘉靖辛丑禮闈第一成進士選庶吉士壬寅歸省
乙巳授編脩壬子請急還喪父丁巳起南京國子司業居二
年引疾去辛酉起南京左諭德署翰林院乙丑起南京太常
卿署國子祭酒是秋進吏部右侍郎疾去除慶起原秩不赴
明年復姓陸己巳起詹事教習庶吉士又道反萬曆初起禮
部尚書復引告登第六十五年再入朝六引退實俸不一紀

先後二三寵相嚴嵩徐階張居正不能榮辱性恬默嚴重嘗
曰士大夫於世法中惟庶取薄享可延續壽命之源年九十
七予祭葬贈太子太保謚文定

鄒元標曰陸公棄軒冕如遺士也世高其節林臯翛然也
世羨其達不知公身依日月寧忍以高為名而興寄丘園
穆、熙、蓋兩有事焉當嘉靖及今上初政時寧公得
志日子公默感者良深而林居退然若谷所造者淵矣
陳繼儒曰吾友周子紹節之善狀公也謂公高風漸遠似
陶元亮而無瓶粟之窮者年夙德似高伯芬而無夷主之

危祿位名壽似郭汾陽而無朝恩之譖遊戲禪宗而無伯
道之悲潛神義畫似邵堯夫而無冬夏之若忠信篤敬而
無子方之辱守正不阿似司馬君實而無介甫之爭遂為
今古完人知言哉

談遷曰陸文定微時孤苦嘗躬耕壟上挾書自隨中歲釋
褐志無溫飽嚴分宜炙手時屏居猶易徐文貞以鄉衮推
挽不置仍迴車避之非所稱履道坦者哉大臣德壽終
始蕭山魏文靖公驥年九十七稱獨盛陸文定事與之
正懿哉醇質之絕軌也

壬午呂梁河澁

河南左布政使霍鵬為右僉都御史巡撫大同
許察處留用御史張以藻蔣以化楊文蒞予告

癸未謫賀燦然

龐時雍

奪浙江道御史

朱吾弼歲俸

甲申拾遺南京戶部尚書王基免
吏可大陳洙並許致仕李植調南京

陽和地震有聲

乙酉應天府尹李堯民罷

甲午夜月犯畢宿

戊戌延綏總兵官李如樟為中軍都督府僉書

唐子尚書姬繼可致仕

登州地震

八甲辰協守孤山副總兵杜松為鎮西將軍右都督僉事總兵

官鎮守延綏

五路台吉悔罪賜順義王忠順夫人金幣素囊台之

乙巳太僕寺少卿連標為太僕寺卿

丙午左副都御史詹沂署都察院事應天府丞徐申為府尹

鎮江泰州宜興天鼓鳴又鎮江華山裂二三丈

癸丑刑部右侍郎沈應文署工部事

乙卯下劉世延於南京刑部獄

丁巳廣東惠潮兵巡道右叅議朱東光失印踰月得於井則

偽也調貴州

癸亥工科右給事中宋一韓以漕闕論前總督李化龍迦河

之誤不報

乙丑東門入許家營口把總許承忠死之

丁卯夜客星始滅

己巳諭停刑

辛未前總督宣大山西軍務兵部右侍郎兼右僉都御史梅國楨卒國楨字

麻城人萬曆癸未進士知固安擢御史

西征呼拜監軍奮身行間功成進太僕少卿尋進右僉都御史巡撫大同加右副都御史進總督侍郎憂去國楨慨慷有遠略贍錦衣衛百戶贈右都御史予祭葬

司禮太監田義死

九月丙戌貴州與隆參將以都清守備駐楊老清鎮守備駐偏橋

丁丑前四川總兵官林桐提督京城巡捕

南京右春坊右諭德署翰林院事楊繼禮請告尋卒繼禮字

華亭人萬曆

進士學行甚脩士論惜之

戊寅南京兵部尚書臧惟一罷

辛巳巡撫順天右副都御史劉四科加兵部右侍郎巡撫大

同右僉都御史張悌加右副都御史並考滿

壬午山東左布政使沈季文為右副都御史巡撫河南

癸未叙河沘斬獲功巡撫顧其志加右副都御史

甲申河南道御史吳達可劾沈一貫不報

故刑部右侍郎張獅贈兵部尚書

丙戌宥隴川土舍多罕妻置永昌

丁亥教坊司左韶舞李澤懷牒自經於會極門命即牒訊其人

戊子左中允區大相改南京太僕寺丞

戊刻有大星墜南京龍關碎如熒明日戊刻又星如月墜地有聲

辛卯初巡按貴州御史畢三才議罷四川督臣復巡撫以貴州巡撫改總督駐沅州提衡三省吏部未敢決吏科都給事

中侯慶遠言其不便從之

壬辰設貴州安化縣時思南水德江長官司正長官張轄無子爭繼吏部議改縣設流官以故長官張棚孫降為土縣

丞副長官楊一龍降土主簿

甲午巡按福建御史方元彥請宋儒羅從彥李侗從祀孔廟章下禮部

昭和殿火

丙申京師地再震時盭甲廠閔領火藥監收內官臧朝斧劈火藥火突發朝三死及把總傅鐘等十八軍死八十三人局

匠塗人亡筭

庚子纂脩玉牒成

十月癸卯裁四川湖廣貴州總督

以玉牒成進沈一貫少師兼太子太師詹中書舍人沈鯉少
傳兼太子太傅朱賡少保兼太子太保各詹子入監

甲辰謚蜀府南川王寅

康僖

已酉祭故巡撫大同右僉都御史朱運昌
套上銀定等三千騎犯涼州以西懷安三全等堡掠男婦千
計驅牲畜數萬巡撫徐三畏報官兵斬十四級巡按史學遷

揭其妄

犯大同陽和堡

辛亥陝西永泰鎮十保定三堡成

裁陝西行太僕寺卿少卿歸其事於固原榆林各道兼攝
增設遼東戚家堡游擊

天津稅監馬堂真定保定稅監王彪江西稅監李道山西稅
監孫朝各進稅金有差堂兼提督寶坻銀魚廠獻銀魚千雙
乙卯征貴州叛苗左都督陳璘監軍叅政洪澄源討水碾山
苗克之監軍布政使趙健紀功按察使尤錫類督兵都指揮

高垣討西路苗克之

丙辰翰林院簡討徐應聘降歸安縣丞
誅妖人吳廻五等

薛濂嗣陽武侯孫廷嗣應城伯

夜北方有赤白氣入紫微垣久之散

乙丑禮部請親郊 上引疾不允

丙寅南京吏科給事中陳良訓劾貪暴巡撫浙江尹應元福
建徐學聚不報

南昌布衣章演被薦遥授順天府訓導

丁卯折濟寧魚臺單縣金鄉馬價三年

刑部請釋礦稅在獄同知卞孔時及諸生十二人庶民五人
不報

十 丁卯辛未朔許黃應聘襲思明知府降土官黃應雷為土舍時
應聘七歲事歸深官設儒學教授

癸酉閱視塞上報功進總督陝西三邊李汝少師廢子入監
甘肅巡撫徐三畏加兵部尚書寧夏巡撫黃嘉善加兵部右
侍郎前總督薊遼保定邢玠進少保廢子入監蹇達太子太
保總兵寧遠伯李成梁太傅遼東巡撫趙楫兵部右侍郎保

定巡撫汪應蛟兵部左侍郎

甲戌山西稅監孫朝死歸稅於礦監張忠

辛巳蠲淮揚災租

甲申夜 皇孫田校生東宮選侍王氏出尋命禮部進封選侍擬夫人不允 上自按皇明典禮定為才人

英國公張惟賢進太子太保惟賢攝郊祀四年

丙戌南京右都御史孫鑛為南京兵部尚書

辛卯叙三鎮脩舉功前總督宣大山西王世揚進太子太保

世錦衣衛百戶總督楊時寧進太子太傅宣府巡撫王象乾

進右都御史兼兵部左侍郎山西巡撫魏允貞進兵部右侍

郎兵部尚書蕭大亨前任總督加兼太子太傅

陝西河州擒斬功總督李汝進兼太子太師協理京營戎政

世錦衣衛百戶總兵孫仁實授都督同知世本衛正千戶

壬辰鄭世子載堉言臣自萬曆十九年至二十五年七疏乞

正倫序蒙禮部令臣以世子終身臣男翊錫攝府事然庶子

襲封終非所安臣年七十死在旦夕亦抱憾地下今載堉襲

孟津王乞代臣攝府事令臣男從庶子襲封例改正以成臣

志禮部覆曰載堉累讓老而彌堅不私其身不顧其子直與

太伯夷齊季札子臧後先婉節有賢如此安可不成其志遂
其高哉宜令載堉終世子翊錫終世孫侯翊錫身後其子襲
封東垣王接見湏之統翊鎧身後另封一郡接厚炯之統若
載堉奏欲載堉先襲孟津王攝府事後繼王爵不如一舉而
改正之也世子世孫無祿若載堉父子宜如郡王祿以示優
賢之義 上從之按成化十年見湏封東垣王正德四年鄭
王見蕙誣廢見湏薨子祐禘以姪進封鄭王祐禘子厚煥嗣
而祐禘庶子厚炯襲東垣王厚炯傳載堉載堉傳翊鎧而世
系則東垣原封為載堉本爵若親王改還載堉則還載堉東

垣王固也翊鎧子宜另封一郡詳禮部議中

談遷曰好名之人能讓千乘之國孟氏有激而言之也如
鄭世子庸好名者哉博該載籍尤篤禮樂之事被服仁義
身有孺行其脫履千乘蓋忠信篤敬之效也時以太伯夷
齊季札子臧比洵哉無色媿矣

乙未總督漕運李三才為左副都御史

己亥前左諭德陶望齡為國子祭酒

候補禮部精膳員外郎樂和聲奏復岳姓

十 乙丑寅諭戶工二部開礦谷內外官俱奏出砂微細俱收回

封閉礦洞各稅課歸有司徵解半及土產進內庫餘輸部
左右諭德吳道南莊天合為左右庶子右諭德馮有經周如
砥翁正春為左諭德右中允顧天峻陳懿典為右諭德右中
允署國子司業李騰芳為右諭德
兵部考選軍政

蠲折山東災租

癸卯起于慎行禮部尚書領詹事府大理寺少卿喬璧星為
右僉都御史巡撫四川提督軍務
提督東廠太監陳矩詹錦衣衛百戶

乙巳庶吉士宋燾陳宗契王基洪馮奕垣為監察御史

丙午召陳尚象復為科給事中預平播劫

巡撫甘肅兵部尚書徐三畏兼右都御史總督陝西三邊軍
務兼理糧餉通政司右通政黃紀善為右僉都御史提督軍
務兼撫治鄆陽進錦衣衛左都督王之楨太子太保

免河南災租有差

丁未聞喜縣大風雨黃土

以皇孫生致書各王府

戊申南京通政司使趙欽湯為南京戶部右侍郎兼右僉都

御史總督糧儲

釋承天諸生沈機等十三人獄

己酉免江西災租有差

庚戌前戶部右侍郎張養蒙卒養蒙字

澤州人萬曆丁

丑進士選庶吉士授禮科給事中風稜獨著以工科都給事

中出河南參政累陞右僉都御史提督操江入內臺晉令官

以負才名慷慨自命在任名日蔚起後登卿貳猶快、未遂

其志性剛方有識力予祭葬天啟初謚毅敏

庶吉士王元翰曾六德表懋謙為給事中

癸丑朱賡言近以臣男太常寺少卿朱循敬為右通政年資

尚薄乞改用南京鴻臚寺卿衛承芳從之而承芳未用

乙卯頒皇孫詔翰林院脩撰朱之蕃科左給事中梁有年

使朝鮮

前南京吏部尚書趙煥為工部尚書前南京工部尚書裴應

章為南京吏部尚書前右副都御史郭惟賢為戶部左侍郎

前巡撫遼東鮑希賢為工部右侍郎南京光祿寺卿徐大任

為南京工部右侍郎巡撫延綏鄭汝璧為兵部右侍郎兼右

副都御史總督宣大山西軍務兼理糧餉起前巡撫鳳陽右

僉都御史甘士价巡撫浙江提督軍務順天府尹許弘綱為
右副都御史巡撫江西兼理軍務

刑部尚書董裕致仕
工部大學衍義補序

湖廣興寧貢士陳元旦上所著孝經章句敬一箴註撫世皇
猷闡道臆解理學管見等書

丙辰前吏部

主事馮養志降長蘆運司判官前南京湖

廣道御史胡鶚降澤州判官

戊午前陝西叅議今調茶陵知州范守已言沔河之開不意

河決單縣復有南陽之淤也按嘉靖六年河決豐沛東溢昭

陽河左都御史胡世寧入朝言國初漕運自淮達河由陽武

起六百餘里至衛水入舟轉至京又沁水至武陟縣紅荆口

分入衛近年始塞是河因沁可以通衛也宜遣視或紅荆口

或陽武上下通開一河達衛水以備徐沛之塞世寧之議而

沁隄河形直抵衛許固至今存也若於原隄建閘分沁水廣

武山南水東注鄭州中牟之北祥符之西由朱仙鎮而南經

尉氏扶溝西華之東沈丘之南元人名為鄭水土人云賈魯

河也南至周家口與潁水合曰沙河至潁州正陽鎮入淮直

抵淮安今自正陽至朱仙鎮舟楫通行自朱仙鎮而北西至
鄭州惠濟橋不及二百里略當脩浚若於惠濟橋西開支渠
分水北入黃河不及二十里渡河而北直入沁口為道甚便
如鄭水弱不任漕則築鄭之間又京水索水須水諸泉皆可
引入鄭水濟漕每二十里建一閘如會通河之北則水自裕
北道既通則漕舟出天妃閘即由洪澤湖入淮溯淮入潁水
溯潁入鄭水黃河又可不用矣章下所司

庚申予故巡撫大同右副都御史張文錦祭墓

辛酉沈鯉以供用庫趣所欠蠟茶追徵細碎即盡予以與民

可也謹原票附揭上從之

御史徐元正避兄應天府尹徐元申改尚寶司少卿

癸亥前巡撫遼東右僉都御史工部右侍郎鮑希顏卒希顏

字長子人隆慶戊辰進士知洛陽擢御史庚辰降曲周

縣丞轉廣平推官歷今秩

丙午萬曆三十四年

正
庚午朔 工不朝

朱敬循仍為右通政吏部言其資俸宜得也鴻臚寺卿衛承

芳為光祿寺卿太常寺卿張鳴岡為通政使俱南京順天府
丞周盤為右僉都御史巡撫甘肅

軍政拾遺左軍都督府鎮遠侯顧大禮後軍都督府同知陳
汝忠陝西廣東總兵官管一方孟宗等並免

辛未前翰林院脩撰焦竑為廣東都司斷事竑察處八年添
註福寧州同知始實補

襄陽知府馮若愚推官程啟南禱武甯山以路穢筮淨樂宮
提點袁進顯等怙提督太監黃勛群詈馮等投瓦石撫治鄖

陽右副都御史胡心得巡撫湖廣右副都御史梁夢龍各疏
上不報勛劾若愚等乘輿入宮無人臣禮 上不聽戒勛鈐

束羽涿越二年鄖撫黃紀賢楚撫易登瀛乘黃勛走他郡察
擒袁進顯等囚鄖陽正其罪

曹介人曰羽涿鼓噪公祖與儒童擊逐學憲黠僧交結近
侍猶竊上掃除耳乃煩瑣 彈章耶是 皇上以威稜付

臣下臣下不能以威稜奉 皇上可惜也
甲戌工科給事中胡忻請恤京師鋪商不報

乙亥前兵部右侍郎魏允貞卒允貞字 南樂人萬曆丁
丑進士授荊州推官不為張氏詘奏最擢山西道御史益劄

直請判許州尋進南京吏部郎中改光祿少卿病免起天
府丞通政以右僉都御史巡撫山西清嚴自厲大吏惕息在
鎮十年威惠浹浹乞終養昨歲加侍郎卒之夕白氣自庭屬
天移時乃散年十予祭塋謚介肅

談遷曰南樂兄弟一時崛起懋權早世

太常寺博士允中年與用

違誤介肅冰蘖不渝往者推耿九疇軒輒以後無繼者
如介肅真其人也子相國廣微止論清不如胡威且深為
盧杞矣則世德作求非耶

丙戌貴州總兵官左都督陳璘監軍布政使趙健參政洪澄

源何偉、至貽德征東路叛苗克之擒三百二人斬三千七
百三十一級

己丑皇子常溥殤追封永王謚曰思

癸巳逮咸陽知縣宋時隆下獄咸寧知縣滿朝薦錫一秩時
命停礦分稅稅監梁永堅執咸陽潼關委官不宜罷蓋樹黨
布虐巡撫顧其志捕惡黨寘之法永大恨之咸陽人胡奉暎
永檄時隆取戕羶干五百件直四千金時隆怒不予遂誣時
隆等抗旨劫稅閣內揭沮不報

江西道御史王基洪言三事名實當稽賞罰當慎言路當開

不報

甲午戶部左侍郎郭惟賢卒惟賢字

晉江人萬曆甲戌

進士知清江擢河南道御史敢言事請宥吳中行趙用賢鄒元標謫江山丞尋復秩調大理寺評事尋移南京吏部考功主事改尚賢司丞歷通政叅議順天府丞右僉都御史巡撫湖廣有綏靖功入左副都御史憂去釋服起今官不數日卒予祭葬贈右都御史廕子入監謚恭定

乙未罷徵甘肅延綏鹽引稅銀

荆王府火

乙丑鳳陽池河鎮守禦營卒黨以定遠知縣蔡夢齊裁其賞軍牙稅也事聞都指揮侯萬鍾奪俸三月別犒百金

戊辰閣臣趣下考選不報

三月己朔閣臣沈鯉朱膺言秦人恨梁永甚宜撤不報

庚午賜閣臣皇明典禮書

乙亥江西礦務太監潘相以停稅移景德鎮請專陶以浙青為上廬陵永豐玉山土青色澹宜變價以進從之

釋咸陽知縣宋時隆獄咸寧知縣滿朝薦復秩奪歲俸蓋閣臣撫臣跡再上政寬之

丁丑仍以江西稅務歸稅監李道、詭稱歸稅有辭請仍管
理也

已外雲南礦務太監楊榮被殺榮父於滇怒行威福杖斃數
千人榜掠指擅樊高明賀瑞鳳又榮用事指揮于可繼等當
盡捕六衛官人、自危指揮賀世勳韓光大等遂倡衆圍焚
其署徒黨輜重皆燼巡撫陳用賓以聞請以四川稅使丘采
雲兼攝 上怒不食 慈聖為解閣臣揭懋歎日有旨榮不
足惜何紀綱頓至此罪其首事罷中使不遣稅課歸丘采雲
後世勳獄死光大戍邊自榮問採利孟昶安撫司寶井屢爭

屢撫遊入蠻莫安撫司平緬人乘之蠻莫思政逃我緬以兵
索巡撫陳用賓斬首昇之始解滇夷益我輕

沈德符曰一賢井耳司歪以之反君罕弄以之叛父罕它
以之失國毛勝錢能萬安諸奸以之納萌生邊釁當其時
滇中土司無一不思奮臂逆我顏行矣賴 孝皇初政清
明而林俊適備兵其地百方招誘撫之以恩懼之以兵孟
察稍、還故主侵地夷心始寧帖以至於今者百年而楊
榮允暨生事遐荒又以寶井蠱 上心幾令滇池搖動猶
念積忿之極夷夏叢起榮雖齏粉而一方稍得安枕寶井

亦閉無敢擅開僅孟叅之獨擅而已國體至此已糜爛不可收拾一切付之羈縻古人不貴異物有以哉

談遷曰均稅最深毒而叫聞時亦有之所稱引生民危感事未知稅駕彼愚氓何能為特甚其詞相脅耳馬堂滿相陳奉孫隆雖往、告變一聞而散直尺筭定之獨滇人狂逞瞋目語難免徒灰骨威命掃地亦國家之劇變也時命停礦分稅似輪臺之悔而中使未撤梁永滿相尚張吻啞人彼滇南遠益上論噫加翼於虎度劉人生命圍奪人索篋仇目睽、吞免飲酒修馬貫盈禍溢付命人手求牖下

一刻而不可得豈不為天下萬世之長戒哉

辛卯刑科給事中周曰厚言詔旨不信八事曰簡大僚而九卿員闕如故曰廣庶官而考察中格如故曰通章奏而公車不報如故曰飾邊備而樞撫虛席如故曰罷礦稅而採權傳制如故曰惠京商而內官叢斂如故曰蒐逸才而草澤沈淪如故曰釋冤獄而圜扉繫纍如故語曰需者事之賊也皇

上在今日遂當暢然發舒奈何使匹夫匹婦得執詔旨以議其後我不報

丁酉賑真定順德廣平大名饑民

四明亥朔戶部主事田一井奏詆吏部左侍郎楊時喬戶兵部尚書趙世卿蕭大亨其詞龐雜俱私嫌也命鐫一秩調外乙巳巡撫貴州兵部右侍郎郭子章平叛苗吳老喬阿倫阿皆等俘斬三千餘人蓋貴州東西二路曰仲家苗在貴龍平新間其在水硯山介銅仁思石間曰山苗自平播後輕我經年剽劫子章以總兵陳璘叅政濟源率土漢兵各五千攻水硯山監軍布政趙棟率宣慰安疆臣兵萬人以游擊劉岳等領之俱克陳璘乃移新添攻東路苗平之釋羅學茂還遵義學茂始祖羅錦唐乾符間因楊端開播受

官世播人居黃王坎沙溪間後地入水西學茂依焉及播平還於播又水西夷安順臣忤兄疆臣來奔疆臣訴貴州撫按謂學茂盜官木銀五千金巡按金忠士信之奏械學茂還貴州得旨總督王象乾明其枉聽居遵義

夜熒惑入心宿

已酉初沈一貫引疾私第票旨沈鯉等乞內直杜彥同不報庶戎翰林院脩撰朱之蕃為南京右春坊右諭德署翰林院事

壬子施壯猷嗣懷柔伯

癸丑巡撫湖廣右副都御史梁雲龍卒雲龍字萬曆癸未進士

瓊山人
雖副謹無他

於世未有稱也予祭墓贈兵部左侍郎詹監

丙辰自春正月至夏不雨

戊午恭妃王氏進封皇貴妃東宮生母

癸亥河工成自朱旺口至小浮橋袤百七十里河歸故道役

五十萬人費八十萬金五閱月而竣

南京守備成山伯王允忠總兵李如樟宣府總兵姜顯祚並

免

甲子封元孫生母王氏才人

丙寅命順天尹禳雨

裁天津海防副總兵改設游擊

是月套火落赤犯延綏安邊營報去年追罰也總兵官杜

松禦之斬二百四十餘級

五月丑卯刻西北有大星派東北色赤尾跡有光

戊寅夜熒惑犯房宿

庚辰皇第十女殤

仍復河池營市稅

壬午總督宣大楊時寧言北王稱臣三十餘年廢以市賞令
年久漢人貨物奸偽百出王日釋怒往歲王訂約云京賞
市貨不堪上年仍然王不肯受去冬愆期若不及時挽回
歛怨益深貽患疆場矣遂命工部驗京賞服幣否則追織
太僕寺主簿劉孟銑為順天通判王子
癸未熒惑自心向房入於氏

甲申翰林院沈澹為國子司業

乙酉東垣王長子常濬以鄭世子讓國意難割東垣遂奏載
堉大奸冀改正禮部駁寢之

順義王椿力克始表首先是椿力克疾而置大諸酋五路台
吉最強叛旋復王亦羈縻之也

戊子鹿邑知縣楊應魁苛墨為部民所訟命捕治之

己丑傳制封鄭王載璽益王常遷新建王常法奉新王常漣
鄭西王常湖代世子鼎莎鄆陵王翊鏞陽信王以澍懷安王
翊鏞博平王在鈞洧川王恭榨壽光王由桂滎陽王常淞湘
陰王儼鈺光澤王術堦萬安王珂淮

辛卯敬嬪趙氏薨

癸巳山東右布政使衛一鳳為應天府丞

丁酉南京兵部尚書孫鑛三年考滿加太子少保

巡撫鳳陽右副都御史李三才言恩詔中格涿傳二說一新
政原非聖意故旋開旋閉一沈一貫恐沈鯉朱賡妨位耻事
不出已計傾左右致善事不終 上怒奪俸三月一貫奏辦
不問

翰林院檢討孫如游為右春坊右贊善

加雜谷安撫司口糧

南京太子少保戶部尚書張孟男卒孟男字

中年人嘉

靖乙丑進士授廣平推官遷順天治中改禮部員外郎累遷

尚寶司丞於高拱密戚四歲不調張居正為進太僕寺少卿

又四歲不調居正敗累遷至今職初南庾粟支二年不再歲

遂有七年之儲卒遺跡曰臣頂戴曲私越從滲泥歷事三朝

年踰七十朱博翰音實媿於懷臣故羸劣善病從間以來逆

害飲食寢以成困恐先狗馬填溝壑不能翰寫心力仰負隆

天重地之恩視不可含伏惟 陛下初載覽總大麓經營天

物政非惠利不圖於心制非舊典不訪於朝百工允釐方垂

無事今殊不然臣備員地官所徵賦於天下十不及一皆鬻

男女剝肉骨之餘也臣以催科為職臣職不廢而民病矣頃

者中人四布伐山竭澤糞及雞豚戶口消亡諸臣法言巽言
文滿公車臣何敢贅天下之財止有此數財之所生止足其
用諸所興利豈無異術率巧名以熒衆多方以剝下民之所
有不增而官之所收日廣民生計索而正賦又不可闕此臣
所以持籌太息一日不能安其位也予崇堊贈太子太保

李維禎曰昔者鄭楚之攝也舉國若狂使鄭不可得親易
使楚不可得踈難予入仕四十年所見俗之移人約有四
端理學則貴虛無騰口說廉介則崇矯激夷等威譴正則
多建白兢攻擊敏達則事繳統擅紛更張公有一於是乎

司馬子長稱萬石建陵張叔其人皆長者而病塞侯微巧
周文處調漢興削觚為員字內自化及子武帝朝稱說天
下長者止此耳當今之時乃有張公豈易也哉公數好史
記繕寫數過於中有深會矣

是月，擺言太台吉犯保寧伺延綏總兵官杜松西征
也松間道還擊斬五十九級

六朔戌朔大理寺左少卿徐宗濬為右僉都御史巡撫延綏
己亥河決郭煖樓茶城鎮

庚子予故戶部尚書陳藻故寧遠伯李成梁祭葬

壬寅雲南平緬夷阿瓦以數萬衆攻陷木邦宣慰司命奪副
總兵陳寅游擊劉素

丙午錢夢得牛應元為大理寺左右少卿
甲寅周汝登為湖廣布政司叅議

丙辰以徽號覃恩存問前大學士申時行王錫爵
鄭西地震

己未順天文安永清武清三河寶坻大蝗

庚申命守令於十月稅糧並完方離任

壬戌南京吏科給事中陳良訓福建道御史孫居相劾沈一

貫奸貪

停浙江萬曆二十九年通織

許福建土產方物折價轉納如江西山東例

興化府太旱

七 朔辰朔貴州總兵官左都督陳璘改鎮守廣東

甲戌南京協同守備撫寧侯朱繼勳為南京守備領中軍都
督府四川松潘副總兵蘭臺為總兵官鎮守福建寧夏副總
兵鄧鳳為總兵官鎮守陝西延綏定邊副總兵王國棟為鎮
朔將軍總兵官鎮守宣府山東靖海副總兵楊宗業為總兵

官鎮守浙江俱都督僉事

蜀真定順德廣平大名派稅

丙子巡撫陝西右副都御史顧其志加兵部右侍郎

命司禮太監陳矩錄囚

定山西保定陝西邊臣考滿同延寧甘肅嘉靖四十三年例

戊寅河南左布政使易登瀛為右副都御史巡撫湖廣

辛巳宋廣夏嗣西寧侯世恩子

癸未少傅兼太子太傅吏部尚書建極殿大學士沈一貫太

子太保吏部尚書文華殿大學士沈鯉並致仕一貫連歲乞

休跡八十上始允鯉居位四載時失工意及旋歸其音不

如一貫之優各賜金幣鯉半之孫居相奪歲俸陳良心鑄三

級調外

夏允彝曰自萬曆以前未有黨名及四明為相以才自許

不為人下而一時賢者如顧憲成孫正揚鄒元標趙南星

之深譽誇自負每相持附四明者言路亦有人而憲成講

學於東林名派咸樂趨之此東林浙黨所自始也

監生陳復亨等以恩詔請增解額不允

丙戌雷震朝日壇大風拔木京師大雨雹平陸水三尺

丁亥永年伯王棟卒 皇后弟

戊子南京大理寺卿劉應麒前巡撫浙江右都御史劉元霖為工部左右侍郎詹事范醇敬南京右副都御史耿定力為南京禮兵部右侍郎

辛卯晏南黎維新誅韋達禮獻其首

巡撫四川右僉都御史喬璧星言蜀中有司多科貢內阻其英銳無所短長非才之罪也資格限之也甲科如日始且跋涉括括亦何所不可而令人有遠近勞逸不均之歎哉不報是月套卜太台吉以三千騎復犯保寧巡撫徐宗濬總兵杜

松議擊之遣都指揮僉事杜文煥以千騎為先鋒擊斬四十
六級松引五千騎逐之遁

八月朔始令宗室將軍中尉同諸生應試科貢初許奉國中尉以下不及其上禮部左侍郎李庭機謂既從科貢何拘厚爵

戊戌南京鴻臚寺卿丁賓為右僉都御史提督操江南京太僕寺卿林煙為南京大理寺卿

故廣西布政司 叅政陳最贈太僕寺卿

庚子卜炒化卜言顧等二百騎犯遼東鎮邊官軍擊走之斬

三十餘級

壬寅浙江布左政使史繼辰為南京太僕寺卿

癸卯南京太僕寺少卿劉日升為南京鴻臚寺卿

泉州大風折屋

辛亥夜月食既

癸丑萬壽節

上謁慈聖太后語及甯繫誣誤者出之 上

曰然

前陝西右叅政李維禎補山西

秦州天鳴

丙辰錄囚奏釋大辟七十一人

酌中志六
十三人

俱遣戍如罪惡李

宗城等惟曹學程如故太監陳矩刑科左給事中梁有年以

請不報

己未招寬奠等六城人歸故土初築六城新疆周八百餘里

偏近建州衛夷夏錯居夫集六萬餘人至是移其入內地盡

棄其土新疆舍其為甌脫非策也總督塞達總兵李成梁等

自為功進連太子少保兼右都御史巡撫趙楫右都御史兼

兵部右侍郎各廕子入監李成梁太子太傅廕本衛百戶時

建州衛都督

爭車價其語悖邊吏倉皇請益戎朝

鮮亦言建州侵匿

辛酉巡撫宣府右僉都御史馬鳴鸞加右副都御史

是月主試京省順天左庶子吳道南右贊善孫如游應天左
諭德馮有經右中允傅新德浙江翰林院簡討蔣孟育戶科
左給事中蕭近高江西簡討趙用光刑科右給事中曹于汴
福建編脩何宗彥吏科右給事中翁憲祥湖廣簡討張邦紀
兵科左給事中胡忻河南吏部員外郎卞承憲中書舍人吳
亮山東尚寶司丞彭遵古兵部主事張汝霖山西吏部員外
郎陳采工部主事馬天錦陝西工科左給事中孟成已戶部

員外郎宋鴻儒四川戶部主事王歲兵部主事胡來漸廣東

刑部主事張維樞工部主事魏說廣西兵部員外郎王舜鼎

戶部主事張鶴騰雲南刑部主事陸錫恩工部主事王宗義

貴州大理寺評事周廷光行人張孔教

沙計等台吉犯延綏高家堡杜松以二百里即走其巢邀之

斬六十六級

九月外朔南京禮部右侍郎范醇敬及貴州巡撫郭子章

徐元春為禮科右給事中汪若霖所劾各乞休獨允醇敬
已已故工部右侍郎張櫟贈尚書故巡撫大同右副都御史

張文錦贈右都御史

貢士山陰鄭汝鑛戍連東汝鑛以宦室養子據其資入監賄吏割魁初二場卷馬顯忠者登第四人事露汝鑛除名時議顯忠補額而五策非所出命貢選日如乙榜例顯忠竟抑死

壬申福建漳浦奸人劉志邁程可屯謀亂志邁故守備可屯為邑諸生糾亡命千餘人於五月十一夜教場祭旗忽燈滅明日舉事大風雨更二十五日分衆城內外相應部署已定邑人李調梅以告知縣黃應舉閉城大索縛可屯入夜志邁

舉火城外不之應即遁

乙亥起王威總兵官鎮守延綏西路

丁丑設嶧縣萬象驛及召象莊巡檢司以泃河通也

癸未琉球入貢

林煙曰琉球一島僻在海外如黑子彈丸耳然明興奉貢惟謹則來貢來王之同也萬曆丙子琉球嗣封命戶科左給事中蕭崇業行人謝杰往杰歸言琉球有日本館群聚數百人待封使之舟轉與為市其人出入挾利刃琉球心憚之越辛卯又以嗣封請時倭犯朝鮮議令自費詔歸更

十餘年朝鮮師解環球堅以例請甲辰命兵科左給事中
夏子陽行人王士禎往丙午冬還子陽私向予言日本近
千人露刃而市環球行且折於日本矣且使臣入彼國若
不聞焉其所以事天朝至淺鮮也操縱伸縮惟是諸陪臣
與吾之通事表裡為奸區、兩使臣威所不能加法所不
能禁也倘異時者再嚙命涉滄溟其辱國彌甚君其識之
今數年來環球之君為、臣為僕矣且陽借脩貢之塗以
陰行假道之計徹我籬籬窺我虛實日引月長將何以固
吾圍乎

丙戌總督陝西少傅兼太子太師兵部尚書兼左副都御史
李汝九年考滿進少師

犯鎮羌古城等堡大松山都指揮王從諫涼州副總兵柴
國柱等擊走之斬二十餘級

甲午總督薊遼蹇連報東西二、約長昂內犯命備之

乙未以朱賡言釋御史曹學程獄戍湖廣寧遠衛

十丙申朔諭停刑

前荊州知府倪涑為瓊州知府吏部楊時喬薦其才品也涑
初知安福有劉臺之獄不附權貴謫山東 照磨後官南

京兵部車駕郎中更定舡政改僉差為雇役南人甚德之
已亥前南京吏部尚書趙賢卒賢字汝州人嘉靖丙辰

進士授戶部主事歷郎中出知順德移荊州累遷右僉都御

史巡撫湖廣移山東以才著第附張居正起遼王之獄終以

張氏奪官後覃恩復原致仕

甲辰擺吉太等千騎犯邊官兵擊斬四十四級

乙巳故南京兵部尚書周世選故南京工部尚書范崙各贈太

子少保予祭葬

丙午初總督川貴王象乾論水西安疆臣仇害五司兵科右

給事中呂邦耀因劾貴州巡撫郭子章受其賄長惡至是子

章言安楊八百年之交欲驟移之甚難惟威怵利餌可得其

要領檄諭再三又遺古劍軟血為盟乃自跡討應龍明旨獎

勵尋安隴澄有大水田之捷疆臣有播州衛之焚又擒苗意

黃繼枝等又開路後因讓進官兵叙功疆臣兄弟母子各賞

金幣仍候勘地另加優異勘地界四年不決奉旨貴州納糧

七百餘石疆臣納千二百石地界仍舊合路苗紛起疆臣斬

獲六百餘級臣叙苗功并結播局不過仰遵明旨示信夷人

耳夫播州未破欲臣用安氏惟恐不速播州既破欲臣裁安

氏惟恐其疎臣既與盟不能復仇疆臣一孺子無他賜土司
仇殺自其常態若為蜀夷而仇黔為黔夷而仇蜀是以夷狡
而罷中國也求去甚力上慰留之初播州宣慰使楊相子
烈逃水而死相以水湮天旺之地賂水西贖柩其券浸鹽紙
書之數年爭地券且朽爭端始此今楊氏滅水西漢把羅學
茂負大木逃蜀訴疆臣侵地六百里蜀撫信之責水西吐地
郭子章謂歸水湮天旺於遵義餘安氏故土也蜀不聽跡於
朝屢罪疆臣子章奏地無可還而播州原輸貴州餉五百八
十石俾疆臣輸四川千二百五十石息爭上從之

朱國禎曰安疆臣倭順郭子章之命絕楊應龍進兵又讓
後屯信地以報成功即李化龍總督亦許之有近地可撥
朝廷不愛惜之語及事平蜀閩齟齬黔中求多安氏責輸
糧責獻印責擒叛俱如命可謂恭順之至矣乃蜀撫喬璧
星欲取安氏為功坐以侵地而喜功之輩緣以為說馴至
以受賄棄地彈前督臣王象乾逐之此別有所謂非因妬
功也

辛亥夜月犯畢宿

是月前刑部尚書董裕卒贈太子少保

十月戊辰禮科給事中汪若霖言史職簡授宜精纂脩宜重纂脩略曰大學士陳于陞請成正史條畫甚明奉旨編研業有端緒而于陞既沒同列害成遂使九重懿執棄於半途今諸臣橐篋尚可搜尋乞命閣臣開局舉遺不報

己巳長昂等萬騎犯山海關東八里鋪總兵官姜顯謨擊卻之斬五級時稅監高淮聞之遽調兵自衛及退稱斬獲功

丙子命戶部考較省直錢糧

戊寅命宗人府經歷不許乞差

庚辰夜災惑犯歲星行危宿

壬午裁旅順游擊改守備汰官兵六百餘人

癸未長昂復窺義院口尋遁

壬辰宣府蔚州地震有聲

癸巳免河南嵩鹿邑等三十四州縣田租

十月乙未朔總理惜薪司內監楊致中杖殺燕山右衛指揮會事鄭光耀部科劾致中不報

戊戌建州衛都督都指揮速兒哈赤等首先是減建人車價禮部左侍郎李庭機代兵部減車價建人爭之久不貢李庭機遣序班李維葵往詰之維葵勸諭仍補貢

壬寅南京大理寺卿劉應麒終養
甲辰夜熒惑犯歲星

戊申延綏總兵官都督同知杜松薊鎮總兵官左都督尤繼
先互調時蹇達以繼先收夷丁過當也

壬子右春坊右庶子吳道南莊天合為少詹事兼翰林院侍
讀學士右諭德馮有經周如砥為右庶子兼侍讀 中允傳

新德史繼偕贊善林克俞國子司業朱國禎沈澂為右諭德
兼侍講編脩湯賓尹孫慎行何宗彥顧秉謙陳之龍鄧士龍
郭涓為 中允兼編脩檢討蔣孟育趙用光劉一燝為右贊

善兼檢討

南京妖人劉天緒就擒天緒永城人僑居臨淮稱無為教徒
與漸衆入南京私娶婦岳氏自號龍華帝主乘各官長至日
謁孝陵舉事而泄御史李雲鵠密捕兵部尚書孫鑛逮四十
九人張其代諸臣擬磔七人餘棄市提督操江右僉都御史
丁宥署都察院奏磔斬各一人餘遣戍
庚申故南京工部尚書葉夢熊^贈少保

壬戌 皇次孫由櫛生

是年襄城百寧岡地圻八十餘丈衡五六尺深不可測

丁未萬曆三十五年

正月乙丑朔 上不朝

丁卯戶部尚書趙世卿攝計吏部左侍郎楊時喬佐之故事
主計正月既朔時喬方料理聞命暫格

己巳巡按陝西御史余懋衡劾稅監梁永且乞休不報懋衡
入秦再中毒皆得解拷庖人云梁永喉之略我

庚午署吏部事左侍郎楊時喬辭印不許時外計兩日江浙
福建事訖俄命趙世卿時喬踟躕請辭上謂昨誤發即追寢

之仍命時喬同左副都御史詹沂考察時喬乃出

日暈女宿黑氣蔽天

辛未許王明輔襲祖爵永年伯楊明喬謂非例以特恩不為
令

吏科右給事中翁憲祥言撫按交代宜嚴部郎出差非體不
報時選官不下撫按交代或數年部曹俸深乞差出

癸酉夜月犯畢宿火星

丙子右庶子馮有經右諭德顧天峻李騰芳俱改左左諭德
翁正春為右庶子兼翰林院侍讀

己卯吏部大計降斥有差以貪論者五十六人
庚辰巡按四川御史孔貞一為華陽貢士楊師心嘉靖甲子
御榜今年六十餘杜跡二十年内行淳備亦以矯節見稱
丙戌設保寧叅將波羅守備
癸巳初諭天下朝覲官

壬辰廣渠門內監邢朝等苛索挺擊泰興知縣龍鏜死下獄
邢相等三人戍邊趙祿抵死

是月至六月土星逆行斗宿退留

泉州地震

二甲午朔科道拾遺

長昂挾賞總督蹇達乞休不許

丙申禮部右侍郎楊道賓黃汝良主禮闈詹事莊天合知貢
舉

設貴州新添叅將

大學士朱賡首輔方敷月 科給事中宋燾論之賡乞休不

允

丁酉前太子太保吏部尚書李戴卒戴字

延津人隆慶

戊辰進士知興化擢戶科給事中累進吏部典銓六年溫然

長者不見岸異其居鄉尤有稱予榮莖贈少保
已酉黃霧四塞

庚戌定科場廢勘申前劄卷論罪凡試牘徹棘後給閱本生
甲寅西朝房火

乙卯易州神器庫火

禮部左侍郎李庭機請亟補講官不報自輟講來講官惟依
期日進講章庭機獨任久之去歲被言乞休輟章三閱月
丙辰故戶部左侍郎董克封贈戶部尚書
戊午朱贖屢請補闕員又給事中汪若霖見攻乞休不允

辛酉刑科給事中周曰庠請革九門之稅不報
是月署禮部事左侍郎李庭機以建州衛
久不貢

遣序班李維葵往遼東俾撫按詰之

三卯子朔寬浙織幣五運分作十運春秋起解

丁卯巡撫宣府右僉都御史馬鳴鑿為兵部右侍郎兼右僉
都御史總督宣大山西軍務兼理糧餉

辛未薊鎮總兵官左都督尤繼先免蹇達論其收集降夷也
癸酉遂晏伯陳璘為後軍都督府僉書懷寧侯梁世勳為右
軍都督府僉書

戊寅策貢士施鳳來等三百二人賜黃士俊等進士及第出身有差

巡撫江西右都御史許弘綱憂去不候代命服闋鐫一級調

巡按直隸御史楊廷筠薦華亭隱士陳繼儒文行

秦王誼憑庶長子存樞當嗣中尉屢求郡王許之不為例部

科言非制不報

許黎維新襲安南都統使給銀印

叙甘肅擒功進朱贖少保戶部尚書武英殿大學士

癸未南京兵部尚書進太子太保

辛卯蠲裕州沈丘商丘永城夏邑舞陽葉上蔡新蔡西平遂

平新租

禮部署部事左侍郎李庭機乞休不允時推閣員御史李雲

鵠先劾庭機媚嫉及右侍郎黃汝良阿媚吏部右侍郎周應

賓奸請蓋庭機癸未館師為沈一貫故人多疑之

罷右中允陳之龍以御史宋燾論沈一貫姻黨也命回籍聽

覆

四 癸卯巳朔淮府載圭嗣順昌王

乙未翰林院庶吉士王家栢何如寵黃儒炳龔三益駱從字
為編脩徐光啟彭凌霄劉士驥周炳謨錢象坤丘士毅陳士
昌黃立極王縉為檢討姚士慎江灝戴章甫為給事中李應
魁鄧澄唐之葵為御史

復宰賽市賞烏哈大得捧於閩外自長昂復貢而宰賽來款
執哈大得捧解新河之忿

雲南貢士楊提等請開梓柯故道改雲南驛自廣西府入廣
南自廣南徑抵田州入富川至三江口舟達南京陸達湖廣
其涂寬坦足容九軌視貴州提便三千里下部議終岐向不

決蓋貴州本羅施鬼國特以通滇一綫強名省會水西安氏
力任郵傳若塞黔則普安以東便成荒徼即安氏世嗣而四
川馬湖之西建昌之南俱土司錯壤而居廣西之田州亦土
官也其獷悍難制與水西等耳故議者謂仍黔之便

丁酉通州西倉火

蘭州夷目閻宗傳等攻掠永寧自奢世統世續二婦相仇世
續匿印以私阿利朝命屬崇明都指揮張神武遂執世續則
印在鎮雄土知府隴澄所也水西安克臣先贅隴氏冒其姓
往叙平播功皆云隴澄不知即克臣也克臣出印益據鎮雄

我未能問閻宗傳阿利等焚掠動稱鎮雄官怖各部攻永寧
普市摩尼等於是總兵官侯國弼巡撫喬璧星巡按孔貞一
先後暴克臣之罪

戊戌銀定歹青等二酋犯河西涼州副總兵柴國柱破之斬
百二十八級總兵連雲副總兵官秉忠等又戰紅崖斬百三
十九級

命陝西撫按速處韓府祿米以濟貧宗

兵部覆朝鮮通倭聽自為計時家康代秀吉為王反前政歸
所發朝鮮王墓賊家康老矣故忘薩摩州而對馬島主義智

心急朝鮮恐一日失朝鮮援故釜山對馬二島私款後三年

開市

壬子順義王捨力克死卜

素二酋未有定封邊臣遣問

所屬五月己丑其妻忠順夫人乞依俺答故事諭祭從之

瞿九思曰捨首世受我王爵豈可不為厚幸乎何至假道
迎佛遂佐火落赤大鈔我氈河之閒此胡為者假令我執
叛盟之罪復立其不他失禮捨首殆哉狐狸之而狐搨之
是無成功氈河之役幾敗市事凜也願王善保封爵哉
田陽北岳廟樹自焚是日太原方山王府槐樹亦自焚

乙卯總督陝西三邊徐三畏言套與河東不同河東統於一歷三十年不渝然且有五路之警套分四十二支各相雄長卜失兔寄名其上無馭象才而西路火落赤狡甚要挾無厭鉄雷把兔其翼也中路擺言太以父明安死恨我挾中國立廟給厚賞自十九年至今無歲不犯無歲不挾亦無歲不講終不受籠則套為同仇也東沙計強不如莊充賴而莊充賴智足馭其衆擺言太強過於切盡巡撫涂宗濬七月入鎮火落赤句報怨宗濬以邊長千里同寇難禦於是因莊充賴求市神木堡撫切盡互成毋助火落赤而路兩首內向七月終擺言太以三千騎入犯挫於保寧八月初火落赤萬餘騎敗於安邊營九月沙計三千騎入犯又敗於常樂於是首婦叩闕乞擗刀說誓願許其自新章下兵部壬戌雨雹

五朔亥朔雨雹

總督宣大諭順義王部落毋久駐青海時延綏巡撫周磐言其部落打即台等三百餘騎西迎佛從僧千餘欲屯青海不復東向恐後益集連套為患上是之然套日強東迎僧自走甘肅外我不能禁

甲子禱雨

乙丑以劉天緒平告郊廟識者以細妖為褻

丙寅連標為右副都御史巡撫宣府贊理軍務

戊辰王國復為南京太僕寺卿

庚午鞏昌黑霧竟天

辛未戒旅順防兵

諭釋輕囚

甲戌西安鳳翔大雹

丁丑閣員會推于慎行趙世卿劉元震葉向高楊道賓李庭

機孫丕揚吏科都給事中陳治則嘗劾庭機難之兵科給事

中宋一韓謂楊李俱宜罷請改推御史葉永盛請列上止何

刑科右給事中曹于汴及宋一韓工科右給事中王元翰兵

科左給事中胡忻福建道御史陳宗契各排庭機上不聽

禮部右侍郎黃汝良不允以吏科都給事中陳治則議枚卜

刺及之時晉江三人楊道賓李庭機黃汝良

甲申光祿寺 署正范光裕送安南使臣之國

乙酉夜有星如丸自牛宿派東南行近濁

丁亥禮部尚書于慎行進太子太保南京禮部右侍郎葉向

高禮部左侍郎李庭機並為禮部尚書兼東閣大學士在文淵閣又諭朱賡曰卿思舊輔王錫爵忠誠正直可濟時艱其召之同卿夾輔

己丑順義王忠順夫人求封總督馬鳴鑾巡撫霍鵬以聞
辛卯平陽槐樹自火

夜涿星起牛宿

六月辰朔蘄州黃岡黃梅羅田多蛟壞田舍人畜亡莫武昌承天鄭陽岳常德久旱入夏大雨漂沒數千家
乙未夜月犯土星在斗

甲辰合江地震延慶懷來等縣大水嚴州大水漂數千家

巡撫福建右都御史徐學聚罷

禮科左給事中孫善繼請罷選庶吉士定院額朱賡言其不可

凱里宣撫司楊燧降長官司

前太子少保南京吏部尚書曾同亨卒同亨字子野吉水人嘉靖己未進士授刑部主事調吏部不附嚴氏官轍所至人皆思之年七十五予祭葬贈少保

閏月壬戌朔盜入易門殺知縣楊成性

甲子前太子太保左都御史溫純卒純字希文三原人嘉靖
乙丑進士知壽光擢兵科給事中劾大璫陳洪屢忤柄相出
湖廣叅議引疾去起河南叅政張居正當國不數月周歷諸
卿以太常忤去居正沒起大理寺卿進兵部左侍郎巡撫浙
江躬率節儉吏民遵服入戶部左侍郎憂去壬辰起南京吏
部尚書明年入移工部終養戊戌總憲嘗約諸臣請罷引稅
釋累臣下考選伏闕泣良久上怒問誰倡者對曰臣都御
史純也上色霽下旨慰籍妖書起力明郭正域主計斥錢
夢臯忤時去出處循理不激不隨蓋猶有玉三原之風焉年

十 予祭墓贈少保

乙丑東安大雨至七月己亥大水傷稼

丙寅朱賡以子敬循沒乞歸不許

大學士李庭機三辭不允趣之出

戊辰涼州副總兵柴國柱為總兵官鎮守陝西

癸酉大學長公主薨

甲戌脩陝西 紅山市口鎮北臺城

許長昂復貢市火落赤擺言太沙計各如之

丙子封鄭王載璽世子翊鍾

已卯廣西左布政使曲遷喬為順天府尹工科都給事中夏子陽為太常寺少卿行人王士禎為光祿寺丞翰林院檢討南師仲為國子司業

庚辰李庭機以給事中王元翰胡忻論之求退不允

乙酉京師大雨至七月丙申不止地水三尺九達如河滄溺人畜亡笑

丙戌廣西布政使蔡應祥為右副都御史巡撫廣西太常寺少卿張問達為右僉都御史巡撫湖廣太常寺卿衛承芳為右副都御史巡撫江西

丁亥大理寺左少卿錢夢得為太僕寺卿

己丑諭廷臣曰昨枚卜閣臣會跡請自上裁有何器囑而給事中王元翰胡忻奴求勝不已疑君誣人莫此為甚罰俸半年於是李庭機請寬二臣不聽而攻庭機者未息也

董其昌曰庭機拜麻一月而人言螽起屢辭不報最後伏闕辭朝寄居蕭寺計半載有餘乃請予告大都清介之品或以器局褊隘而攻之者遂造為輦金載玉行賄與援欲掩其一生砥礪故御史葉永盛極辨之昔錢夢臯論沈鯉貪污鯉不辨而曰貪污之罪臣之矣蓋自信之素也異日

庭機易名文節而永盛之論定矣
談遷曰晉江、硜、皎、終始不渝
上素重其人冀以磨
厲汚俗昔毛孝先、崔季瑋用魏貴、清素之士時皆變易車
服以求名楊綰拜相朝貴聞之戒駟從損聲伎惟晉江有
昔人之風而異議滋起人情不古指夷齊為共驩更何望
乎

七 朔外朔總督漕運李三才請補大僚選科道用廢棄其論廢
棄曰諸臣祇以議論意見一觸當路遂永斥不收總之於
主上無忤今乃假主威以鉅諸臣又借忤主之名以飾主過

負國負君莫此為甚是跡出而談舊相時事者又不可止矣
牛應元、姚思仁為大理寺左右少卿

壬辰巡按陝西御史王基洪劾稅監梁永陳兵殺傷吏民而
巡撫顧其志奏至平臺不言殺掠梁永反以藉口 上益疑
言者矣

甲午應天府尹徐申為南京太常寺卿

丁酉左庶子周如砥為國子祭酒

朱賡工選庶吉士定制

戊戌東華門德勝門圮

已亥時傳採川貴湖廣大木撫治鄖陽右都御史黃紀賢言採木之累不報

朱賡以京師大水引咎請補大僚選科道起廢官罷權使賑民困閔商困工命補大僚俟另旨其救災發粟平糶疏渠即行之

壬寅皇木廠大木漂盡通灣捐漕舡二十三失糧八千三百餘石

甲辰前巡撫寧夏右僉都御史晉應槐卒洪洞人丙辰進士乙巳命戶部出太倉粟二十萬石平糶發十萬金賑之命工

部浚渠疏水道

賑保定水災

丁未皇太子久不出閣吏科都給事中邵庶等請蒞學不報

前禮部尚書兼翰林院學士李長春卒長春字元輔富順人隆慶戊辰進士選庶吉士授編修歷脩撰侍講右諭德乙酉南京國子祭酒轉南京工部右侍郎尋改禮部己丑直日講已進尚書劑酌儲議已致仕十五年嘗尋山有石洞鏡字如其名心異之改為玉華洞詩詞溫麗子胤祥亦有名年六十

三予祭墓贈太子少保

張鷟曰老成人之用心也難言哉凡愛君者必激於事求濟國者兼祈有其名是以意不能獨伸而勢亦不能兩得其掣肘終在人國耳李先生當議建儲時即以其情發江陵者慷慨廷爭於先生何難顧獨委蛇其說者誠有獨至也及正名定位當其候而先生受辱名去乃竟怡焉以自老夫先生之志固已酬矣成事之効寧謂口舌能動人主哉

前總督宣大兵部右侍郎兼右僉都御史鄭汝璧卒汝璧字

邦章縉雲人隆慶戊辰進士授刑部主事歷郎中張居正才

之調禮部儀制又調吏部驗封及奪情起徵忤進太常少卿

不數日降福建右叅政量移廣東副使乞養十一年辛卯起

井陘兵備尋改赤城斬一功明年遷榆林中路按察使明年

山東右布政尋進右僉都御史巡撫山東賑饑會憂去己亥

起南京太常少卿壬寅巡撫延綏屢卻一己已進兵部右侍

郎總督宣大即疾作有才而功不甚著所著有帝皇后紀略

諸王表功臣封謚考行世

辛亥夜月掩畢宿大星

壬子陝西稅監梁永奏秦人劫貢委罪咸陽知縣滿朝薦承
御史意伏兵渭南劫之先巡按王基洪跡至述兵事適合
上怒命逮朝薦

甲寅先是交峒酋長武德武與雲南臨安三峒長官司相隣
遂募衆分布於南丹藤江間擅改弘定元年偽安南都將節
制內外水步諸營事虔劉邊備巡撫陳用賓集兵分三道大
敗之斬百四十餘級復八寨故地

乙卯松潘茂州汶縣等地震

丙辰陝西

參將王大年下臺訊參將劉泗梁富國總兵

鄧鳳游擊劉國棟等俱落職巡按王基洪論其貪墨也

丁巳選翰林院庶吉士錢龍錫林欽楫姚宗文丁紹軾成基

命李光先韓日績麻僖傅振高李標張廣潘潤民李胤祥楊

道寅唐大章楊嘉運徐養量

^{丙辰}巡撫貴州兵部尚書郭子章引疾去

戊午黃汝良憂去

庚申夜彗見東井二尺餘

採木限四川二萬四千六百一十四萬餘金限貴州萬二
千二百九十八直一百九萬七千餘金

八朝百朔閱臣推講官禮部右侍郎楊道賓詹事蕭雲舉少詹
事王圖南京國子祭酒劉曰寧需命未下

壬戌巡撫山東右副都御史黃克績進兵部右侍郎

癸亥喻安性胡應台劉文炳王紹徽顧士奇張鳳彩周永春
張延登劉一燿張國儒彭惟成何士晉范世濟李瑾黃起龍

鄧雲霄晏文輝高節俱為給事中起龍下俱南京呂圖南黃

一騰荆養喬熊廷弼王象恒陳于廷穆天顏房壯麗侯執蒲

吳亮劉光復鄧漢李樞張時弼王國楨顧愷朱萬春何大謙
馮嘉會彭端吾陸夢祖金明時張五典梁州序董紹舒管楠

張爾基毛堪楊一柱王以寧畢懋康韓浚顏思忠鄭繼芳曾

同升史記事劉國縉徐鑒劉蔚傅宗臯汪懷德張邦俊周達

曾陳易王露張養誠俱監察御史宗臯下俱南京先吏部推

踰二年始下仍調汪若霖吳正志外任汪元功黃汝亨黃一

鵬各鑄一級調外

辛未總督陝西徐三畏秩滿進太子太保

甲戌西安府地震

丁丑夜彗歷於房

壬午夜彗自房歷於心

乙酉撫諭東路屬夷白洪太等

丁亥鎮守雲南太子太保黔國公沐昌祚進少保

戊子泉州颶風大作折屋

己丑巡撫四川右僉都御史喬璧星以安克臣冒鎮雄土知府欲兵之朱賡謂時事孔艱用兵非計御史李時華李應魁等俱如之上科右給事中王元雅以機事涿傳恐為安克臣笑遂禁各衙門妄傳章奏命釋永寧土婦奢世續并赦閩宗傳等罪訪求隴氏子孫為鎮雄後令安疆臣約束克臣歸本土司聽遙授職不許冒隴氏

江西布政司右叅政姜士昌賈表入京奏別遺奸錄遺逸遺奸指王錫爵朱賡沈一貫又曰古今稱廉相必稱唐楊綰杜黃裳然二賢皆推賢好士惟恐不及而王晏石用之驅逐諸賢竟禍宋其意蓋規李庭機也

犯連東寧遠前衛

九朝郊朔朱賡李庭機跡辨降姜士昌廣西僉事

癸巳以閩宗傳降隴澄告退命四川撤兵從貴州巡撫郭子章議也

琉球魏封使夏子陽王士楨黃金各六十各卻之琉球弱小

勉承朝命時封使往多齎舶貨責其倍售至徹妃嬪簪珥應

之
壬辰巡撫直隸御史李雲鵠私第火失上江勅書命補給

甲午叙嘉峪鎮番功賞賚有差

協守定邊副總兵王威為

將軍總兵官鎮守延綏提督

狼山等處副總兵萬邦孚為總兵官鎮守福建協守松潘副

總兵孔憲卿為總兵官鎮守廣東

諭停刑

丙申前兵部右侍郎臧惟一卒惟一

諸城人嘉靖乙

丑進士知宿松太湖擢戶部主事歷今官多引大體退為德

於卿年

十

予祭

南工部尚書子爾

勸爾令皆進士

丁酉右諭德兼侍講林堯俞史繼偕王武闡

己亥領南京前軍都督府靈璧侯湯之誥卒之誥初授勳衛

稱儒雅既紹爵居官以嚴整稱日侍母終養不出時入賀卒

年四十三士論惜之

戶部發粟五萬石蒞鎮平糶

癸卯王錫爵辭新命不允

甲寅南京兵部職方郎中劉宇降山西按察司經歷以濫斃

妖獄也

十月庚申朔西安府天鳴

丙寅中書科被盜

丁卯巡撫山西右僉都御史李景元進右副都御史

例給延綏寧夏各苗子冠帶

咸寧長安天鳴地震

己巳光祿寺卿

言寺丞徐必達牒稱九月同巡視戶

科給事中江灝悉備見銀尚欠各價九千金寺額辦銀二十

四萬有奇主戶部錢鈔工部油紅上林苑監子粒共二十四

萬有奇額派粳米六萬一千石有奇

祖宗時非多 皇上

時非乏也萬曆四年以前歲費止十二萬有奇五六年來漸

增二萬七八年又增二萬今至二十四萬或二十五萬帑安

得不匱也萬曆二十五年以前歲收米三萬三千四百餘石

盡改折今歲倍二萬餘石庚安得不匱也臣請無名之供養

內外臣工之酒飯御前之取討新添喪禮之糜費有當裁者

謹列陳以備採擇

壬申巡按直隸御史宋燾論救姜士昌語刺李庭機庭機奏

辨 上以燾賄囑請燾平定州判官加謫姜士昌興安典史

癸酉蠲減山東郡縣災租有差

丙子朱賡一品考滿進少保改吏部尚書文華殿大學士詹中書舍人

丁丑命畿內六郡災民發德通二倉粟各五萬石平糶

己卯南京行人司火

是日子正

刻立春陝西按察

路士登以授時曆推之

宜戊寅亥初刻差一日作戊申立春考証

一云邢雲路

癸未福王長子由崧生藩例五歲請名至是特百日賜名

十 卅壬辰寧武副總兵王邦佐為平羌將軍總兵官鎮守甘肅

癸巳吏部左侍郎楊時喬授何孟夏例自乞改南京不許

辛丑大學士葉向高入朝李庭機次之于慎行亦至疾未入

直

肅王紳克進馬五十匹

壬寅前太子少保督理糧儲南京戶部尚書王基卒基字

益都人嘉靖乙丑進士授戶部主事出為運司同知

久之知大同時代王有謀殺世子獄魏囊珠立斥之歷都御

史巡撫大同轉兵部右侍郎至今官

甲辰詹事蕭雲舉少詹事王圖教習庶吉士未命

裁竹谿節西莞糧主簿

乙巳大學士于慎行力疾赴朝請暫假調攝許之
丙午日赤無光

己酉海盜犯朝鮮執之為華人李昫請命刑部議生致京師
僂之報可

減濟南兖東昌馬價十之九

戶科給事中江灝劾福建稅監高宗不報初福建左布政范
涑收春夏稅額宗左右失權乘涑入覲而巡撫徐學聚候代
逸跡詆涑及學聚請自按月徵解 上命有司類徵如故

辛亥立景命殿於潮縣永樂里 聖母生地也

壬子金沙夷阿克鄭舉等破武定殺指揮金守仁千戶梅應
時黃桂王應爵金榮等阿克即故武定土官鳳朝文孽孫也

嘉靖間屢叛討平改武定州深官其部人鄭舉恨和曲知州
黃榜欲死之謀阿克起兵復故地阿克豪有力與馬一龍化
龍訟黃榜將執之逃去榜署祿勸州印私增田租州人思亂
知府陳典知其謀携印奔省城阿克乘之陷武定渡金沙江
長驅鄭舉劫推官白明通至省城大焚掠民舍索武定印甚
急巡撫陳用賓倉卒徵兵未至權予印左布政使福清薛夢

雷爭之強吾僂力固守援兵且集賊奈我何即不能守死正也何計其他又布政使印而退偽立阿克為土知府朝鮮言倭求和猶前源家康所尋盟之詞也兵部謂其狡難恃不許

乙卯遣行人趣王錫爵入朝

戊午巡撫福建徐學聚劾稅監高果不法內云三十二年令奸商往販和蘭勾紅夷詐帛麻即銀三萬許以彭湖通市臣奉旨拒逐令臣且歸紅夷又至殺僂商漁漸窺內地是誰啟

之乎云云

十 乙亥命嚴隴氏存絕並覆安堯臣功狀

兵科都給事中宋一韓議改鎮雄府添官

丁卯刑部右侍郎沈季文請重囚病故非梟首者不必僂屍從之

命戶部治壽寧公主婚禮金珠直十九萬有奇

甲戌禮部左侍郎楊道賓議舉謚典於是禮科都給事中邵庶等言前謚或應奪或應改或應補章下禮部

韓光裕張孔教胡嘉棟杜士全改然劉時俊為給事中然時

後南京王孟震唐世濟耿鳴雷蘓惟霖馬夢禎楊師程劉蘭
蔣貴為試監察御史蘭貴南京

辛未司禮太監陳矩卒矩在事簡約立忠清祠

壬申太子少保禮部尚書兼東閣大學士于慎行卒慎行字
無垢東阿人隆慶戊辰進士選庶吉士授編脩歷脩撰侍講
已卯引告癸未起左諭德轉侍講學士禮部右侍郎己丑長
尚書屢請立儲忤去十四年召領詹事府不至及入相疾甚
在詞林夙有聲多識故事沉深勁拔不為町畦忤張居正引
去居正敗貽貽丘侍郎檮書存恤天下稱之予祭葬贈太子太

保護文定詹中書舍人

伍袁萃曰東阿解德懿行蔚為名臣爰立命下人無間言
然見朝之日扶掖而行為言官所糾數日而沒國家固當
倚任老成大臣亦當自度進退公老矣且病此出獨不可
已子

罷浙直織造太監孫隆以劉成代之

阿克隘元謀知縣毛文彩遁攻羅次祿勸尋甸殺祿豐知縣
蘓夢暘

丙子陷嵩明州殺吏目韋宗孝學正龍旌

壬午延綏寧夏，首補進馬正乞襲秩從之
巡按遼東御史蕭淳言六事，其一曰建州部

三

聯部夷爇兔伯締婚於忽刺溫，借糧朝鮮，聲勢叵測。誠
購那林孛羅與合兵，仍發五路以過西夷，協薊兵以雄內地。
諭朝鮮以防外逸，內外夾攻如昔年，剽仰逞二奴事亦消患
之策也。

金吾衛指揮樂綱訐奏稅監梁永力言滿朝薦之枉，蓋綱本
永之私人，助虐慮永敗及禍，故為脫計。上不問。

丙戌，蠲清河海州宿遷柘源安東鹽城邱山陽蕭錫山沛徐

豐馬價十之六

丁亥，交夷七百餘人自龍門港犯欽州，陷之。殺學正李嘉諭

胡日道，初莫氏黨翁富以四千入，借居漸凍峒，款塲糴米交

夷武承禎等，屢入犯。是年饑，以千人登城，犯總同舉龍門哨


官龍起鳳，俱不援。隄月復入犯，官兵祝國泰敗沒，伯有備野

掠而去。知府冷巍都指揮劉中漢趙應科及總督戴耀等各

被劾

瓊州黎賊劫萬州陵水縣

是月馬邑地震有聲



程